

日
本
國
志

出使日本參贊官黃遵憲編纂

鄰交志下二

泰西

自美約鈐印於是慶恕慶篤慶喜慶永等

初德川家康封其諸子於尾張於紀伊於

水戶爲三親藩使輔翼宗家班列三百諸侯上仍稱德川氏秀忠又封其兄子及其子於越前於會津別爲松平氏世以德川

氏爲宗族松平氏爲支族慶恕後更名慶勝爲尾張後慶篤慶喜皆齊昭子水戶後慶永爲越前後建言請廢條

約奉敕旨而諸藩烈士草莽激徒倡尊王攘夷之說者紛然起

矣七月幕府乃黜齊昭慶篤慶喜命慶恕慶永退居時帝屢詔

徵三親藩及大老將軍奏令老中間部詮勝西上

奏曰慶恕齊昭慶篤并蒙

諫餘則幼弱耳諸番腫至外事冗劇大老亦未得西今遣詮勝西上及其入朝請垂容問

八月家定薨家茂

任將軍大老井伊直弼益專擅帝乃特降內旨於齊昭曰將軍

與外國私締條約雖事不得已然未嘗奏取進止如此大事不
以上聞非弁髦王章而何往日徵三親藩於輦下且敕使奏列
侯意見將軍依違不奉敕乃使老中詮勝西來如此則患不在
外國而在蕭牆聞水尾越皆有罪外患逼切而翦羽翼奈人心

向背何朕欲合羣策羣力以謀國是汝宜竭股肱力糾台眾議

初齊昭素主攘夷議改革藩政練兵鑄礮以備海防家慶賞以黃金寶刀既而有譖之者幕府遽令

以禦外夷侮

退居及美國劫盟幕府起用齊昭素昭獻大礮七十二門然卒

以主戰不與閣議合終廢黜齊昭既黜憤鬱不得志於是其京邸監鵜飼吉左及安島帶刀鮎澤伊太夫等與鷹司家臣小林良典近衛家婢村岡謀周旋諸公卿間左大臣忠熙內大臣忠香前內大臣實萬權大納言齊敬時直弼謀悉其狀又偵知諸忠房乃同奉敕草詔遂齋歸江戶

藩臣遊士贊成朝論誹議幕政乃大索執安島帶刀等二十七

人十月詮勝入京與關白尙忠所司代酒井忠義謀責令關白

政通前內大臣實萬削髮執王人紀正恒等三十五人尋入朝

奏曰主上欲絕夷狄幕府敢不奉詔然王室霸府苟懷貳心事

必無濟願姑緩之十二月幕府檻致京囚於江戶命寺社奉行

大目付鞫之初幕府修大阪城夷天保山以置煩臺是春成令

大藩嚴太廟京師守及魯壘入港幕府又命高松山桑名三

藩起寨省掛八幡鷹峯命安濃津備京師非常岡山山鳥取高知

成大阪荻成武庫柳川成界浦六年己未二月幽粟田宮尊融

親王命伊達宗城退居山内豐信亦告老三月忠熙并辭官削

髮一條久我萬里小路皆黜皆以降攘夷詔於齊昭故也明年

幕府斷水戶獄大老等數齊昭以密奏京師私請赦書等罪遂

禁錮之水戶并幽其子慶篤慶喜屏居太田資始黜作事奉行

岩瀨原軍艦奉行永井尚志西城留守川路聖謨等尋斬鶴飼

吉左等八人餘禁錮流竄初直弼議刑老中太田資始諫之日

此輩所爲亦出憂國至誠宜從寬典板倉勝靜佐佐木顯發亦

諫曰若處極刑爲眾怨府必生亂階直弼不從遂獨斷行之株

連甚眾時人謗其濫刑比之漢黨銅明東林禍而五月帝賜黃

人心益憤處士謀殺外人陰刺朝臣之禍叠作矣

金於尙忠政通忠熙輔熙實萬及兩奏職事諸公卿以慰外事

之勞因敕曰嚮侍從詮勝入奏朕傳旨幕府再三今且欲觀幕

府措置天下物情卿等其注意幕府尋奏獻金五千兩充御用
頒遺金二萬兩於公卿親王朝

臣加關白尙忠職俸五百苞采邑一千石三月水戶臣及鹿兒島臣刺殺大老井伊

直弼於櫻田數以擅許條約諸罪水戶佐野光明齋藤監物等
暨魔島有村兼治等伺直弼

入朝邀殺於道提首而去或鬪死或自殺有自首者八人連署

上書曰直弼挾幼主威福擯斥親枝廢錮忠臣殺戮義士幽

囚親王而反昵夷狄不待敕許擅訂條約臣等不能與此賊共戴天爲天下誅之敢待斧鉞

是春下令徙諸商於神奈川至夏開橫濱長崎箱館三港許人民貿易頒五國

條約於全國禁以律書兵書公鑑武鑑城郭地圖及銅屬賣於

外舶又令諸海船帆用白布艦上樹畫曰白旗以別外船遂爲

全國撤志初畫日船標惟幕府翰漕用之萬延元年庚申正月
及令列藩模造洋艦許用此標

初英墨遣使促日本使節赴二國家茂遂延見佛使至是遣外
國奉行村垣範正新見正興軍艦奉行木村某目付小栗某等

二百餘人於墨乘島津氏所獻太元船及墨人蒸氣船而發至

十月復命幕府遣使節於海外是為嚆矢明年遂遣使英佛墨

蘭魯普六國七月英人入江戶議設館於殿山品川家茂延見

墨英二使尋見佛使

英人二十餘名上富嶽幕吏百餘人從之遂浴熱海溫泉自下田港去

普魯

斯使至江戶請條約不聽

八月前中納言齊昭卒年六十餘齊昭嘗請開蝦夷語其臣曰往時太猷

公戒長嶽奉行曰內地爭戰楚得齊失要不出區寰苟寸壤尺

土沒入於外夷則我日本之國辱莫大焉夫蝦夷千島本我神

州地而鄂人傲然據之豈啻尺寸實千古悲憤故當講鎮撫之

術畫開拓之策移內地民從事於開墾以固北門鎖鑰維新之

後卒用其議又當上疏曰造三艘船數千艘鑄大煩數百萬

門往來外國互市今海內共有四十七萬一千八百四十四寺毀

諸寺鐘以鑄軍礮則兵足用足其論懷外謂當以組練之師分

屯衝要使彼就陸地決戰乃可以逞吾志亦深合時勢齊昭紹

光國遺志常欲尊王請修山陵復謚法攘夷之論實其首倡其

已未發江戶詩曰白髮蒼顏萬死餘平生豪氣未全除寶刀難

染洋夷血却想南陽舊草廬有識爭誦之及卒浪士三十餘名

夜詣薩州邸呈書曰水戶既死海內除貴藩無可依賴者願屬

貴藩為攘夷先鋒問其姓名皆不答薩藩啟之幕府幕府命置

之其邸其後倡尊攘論者多其遺臣甚至奉齊昭木主以稱兵

一

焉八月有人要殺墨使書記比由斯堅於三田幕府大索之不

獲明年幕府與洋銀一萬元於其母十一月箱館奉行堀利熙

屢諫老中安藤信正不聽遂上書以死諫

畧曰墨使日詰貴耶專論我政務閣下共

破同餐尊之如師又結爲兄弟懼與之刑典數部彼贈衣帛球

玉閣下酬以慶長金保金一萬鎰彼以爛醉挑侍婢閣下伴爲

聲誓而不問殿山築館臥榻窮眼閣下亦劊其無他甚則渠論

廢帝事閣下使國學者索善典僕竊聞之血液灑兩鐵腸若裂

天下士皆欲食閣下肉彥根元老豈非前總足僕所以爲文久

閣下肝腦塗地而不辭也隨絕之言幸鑒哀鳴死且不朽

元年辛酉二月水戶藩士子弟脫籍屯長岡驛嘯聚無賴至千

八百人移檄曰紹故黃門遺志以舉義旗一將率水軍畧橫濱

燒館塵夷一將率陸軍入江戶誅吏之許互市者江戶戒嚴命

慶篤追捕又遣小普請講武所士三百餘人於橫濱守蕃館命

諸侯備東禪濟海善福諸寺皆洋館也五月水戶亡命有賀重

信柳鉞三郎等十四人襲東禪寺英館揮槍傷英卒三人幕吏

及郡山西尾衛士驚起互鬪殺傷衛士十餘人幕府賞衛士命

水戶捕餘黨

既而召諸藩議水戶獄重信
關死外斬大關某等五人

英使責老中安藤信

正曰政府萎蕪不能制彼亡賴我自問其罪

先是戊午七月亦
有人殺魯人三名

於橫濱

與佛蘭兩使將以兵逼信正等力懇事裁平自是英置兵

橫濱戎裝赤目曰赤隊明年與英死者親族洋銀三千元六月

幕府命新庄桑名松山守神奈川蕃館尋命姬路松代守橫濱

七月英人來請曰自神奈川至長崎箱館洋多暗礁願測量海

底幕府許之令外國奉行屬吏入英船與俱告沿海諸藩縱英

人上陸及圖成頒於諸藩二年壬戌正月有人要擊老中安藤

信正於阪下門傷之亦斥其親昵夷狄等罪

信正多攜家臣自
衛傷肩僅免刺客

七人格闕皆死檢屍各懷書畧曰安藤承井伊氏後奸謀詭計
過之十百蔑侮朝廷親昵洋夷與京尹酒井謀幽公卿正言者

廢君臣父子之大倫溺夷狄禽獸之汚俗又命國學者索廢帝
古例將使大將軍蹈北條足利轍大逆無道臣等爲國家誅之

當是時朝廷決計攘夷幕府逼於強敵不敢奉詔乃大張威焰

削親支錮公卿戮志士又諷令諸侯之持異議者退隱辛酉十一月令

錮島齊於是朝野皆失和三月長門藩毛利慶親上書幕府謂

正退隱王霸相和本也諸港開鎖末也國本立則開鎖之權在我請翼

戴天子協和眾心以固國本又見老中久世廣周曰自黜鍋島

氏大藩失望各自爲計萬一有挾天子以號令四方者何以應

之廣周等愕然慶親視少頃曰爲今之計有春岳卽慶永爲大

老刑部卿卽慶喜爲輔佐以洗弊政耳慶親因薦其臣永井雅樂

孰於京人幕府召雅樂厚遇之授密旨入京師四月雅樂上書

於議奏大納言忠能陳時勢不可已請敕許條約不聽雅樂頗有學術

所條陳洞悉時勢然當時脫藩土輻輳京畿出入籍紳門交咎

雅樂遂不得要領而東歸長人在京者亞雅樂欲刺之雅樂謀

知取道中山道來原良藏爲雅樂副及歸屠腹遺書曰謀停王

霸卒以扞格自許忠義今反爲不忠不義故以死謝明年雅樂

亦以事自裁時薩摩藩島津久光亦密奏入京上疏曰戊午以來幕

吏恣許互市親如三家尊如上公持攘夷議者輒加屏黜志士

亡命結黨或刺大老或戮醜虜遂欲起義兵幕吏肆其威棱苛

猛如虎而士氣益激勢日益甚臣恐其釀亂陷夷術中與諸臣

議將東建言於幕府途遇處士欲迎臣舉事臣諭令俟命敢請

處分朝廷因留久光鎮京師初浮浪魁平野國臣轟武兵安積五郎有馬新七等三十餘人倡尊

王攘夷之說於攝播同盟至數百人相謀曰烏合舉事孰與依

賴大藩久光將赴關東過姬路國臣等投之曰近日幕府喪朝

命親外夷臣等憤激將戴我公以解諸公卿幽屏據大坂彥根

二條三城下令七道奉皇駕於函嶺東問罪幕府并殲滅醜夷

請公察微衷奏之朝廷久光論留伏見自以士卒千餘人入京

師旣而薩之亡命在大坂者憤久光過鎮重與諸浪士相率將

逼京師久光乃遣藩士要之伏見遂激論鬪爭有馬新七以下

死者八人藩士亦蒙創初所司代酒井忠義呈書傳奏曰仄聞

西國亡命嘯聚於大坂兵庫唱暴戾之說苟公卿密通其謀必

有不測變萬一有過整下規威劫者下官當竭力誅夷之及伏

見變起上下駭擾忠義等倉皇遁由是所詔曰關東奏請限十

司代威令陸地處士橫行殺伐之風大起

詔曰關東奏請限十

年絕外夷汝其奉旨運謀以張國威既慶親復上書幕府曰近日列藩游士不經幕府而直奏天朝苟有奉詔要關東者當釀羣雄割據之勢將軍宜朝京師會列藩議國是大事奉詔以行使天下皆知公議所在將軍尊朝廷則天下皆尊幕府矣五月蜂須賀茂韶亦上書幕府畧曰昨日之厯今日不可用許外人互市亦非失算而恨其不當歟何也先拒而後許彼既以要挾遂志則所求皆挾勢而來何怪彼之傲很不馴乎茂韶恐我清淨土陷爲腥羶域今游士嘯聚闕下人心向背亦已可見側聞敕使東下王室之親疎皇國之安危係矣轉禍爲福在今日生釁釀亂亦在今日事機一去間不容髮請選非常之人以處非常之事若松平春岳鍋島開叟藤堂高猷伊達春山皆宜使之參朝議麾下之故源齊昭故島津齊彬前所建白多可參酌宜

引三家三卿以陳意見優待大藩以備諮詢又曰海防大事請命海外各國造十數艦使麾下土人就學操船或巡視北邊魯西亞境或航朝鮮廣東香港呂宋爪哇諸島以熟海路置造船鑄砲場於五畿七道每道三所使工人學習技巧如此庶可與內治而禦外侮

又曰將軍宜入觀謝益降之恩曰皇宮供御宜倍舊額曰宜修歷朝山陵曰四方游士憤受外侮遂犯幕法其情可知其跡可憎請

滕堂高猷亦請入朝以慰

寬假之使各歸其藩其餘尙數條

天下望權宜以寬游士罪攘夷以盡將軍職幕府皆納之時有詔召慶親西上與島津氏同鎮處士島津毛利氏既居京東西相周旋家茂乃先後釋慶恕慶喜慶永及山内豐信伊達宗城罪尋奉詔解粟田宮鷹司近衛一條久我萬里小路等幽屏朝廷又遣左衛門督大原重德奉詔東下島津久光及毛利家宰等從之五月十日詔至畧曰今外夷益猖獗幕吏誤措置天下

騷然萬民將墜塗炭朕仰恥祖宗俯愧蒼生幕府奏曰近以人心不協故不能舉膺懲之師苟降嫁皇妹則齊心協力以攘夷朕特許所請幕吏乃連署奏曰限十年必奏攘夷功朕甚嘉之親禱諸神以待其成客臘和宮東下朕告國政仍舊委幕府惟外事實關國體故使奏聞而後定且命二三大藩參預其謀幕吏依違未奉行既而薩長列藩及西海南海各處土蜂起建議凡所密奏雖畢出於忠誠憂國而事甚激烈朕召老中久世廣周西上又遲遲未行幕吏因循偷安失撫馭術恐國家傾覆立至矣朕曰夕憂懼朕欲使德川氏恢祖先功業張天下綱紀因命三事其一使將軍率諸大名謂諸侯日本通稱入朝議治國家攘戎夷上慰祖靈下順民心其二依豐臣秀吉故事令沿海大藩五國爲五大老以整武備其三使一橋刑部卿謂慶喜輔佐將軍越

前前中將

謂慶永

任大老職行內外之政則必不受左袒之辱將

軍宜撰其三事以行其一家茂因理裝西上是月英人上書幕

府言小笠原島非日本有幕府先已遣水野某巡察乃引證據

答之六月松本臣伊藤軍兵殺英人二名於東禪寺而自殺幕

府罷松平光則警衛出軍兵屍以謝英尋以洋銀三千元與死

者族

軍兵居常慨光則警衛洋夷欲以事致仕會更成之日英人無禮軍兵憤志遂及難

八月敕使重德

西歸島津久光護之先發途過生麥英人馳馬衝久光前驅衛

士誰何不聽怒馬直過衛士遂殺之

長人桑原良藏入橫濱欲斬外夷見捕自殺十

一月又敕三條實美東下詔曰朕於攘夷議萬變弗愉然人心

不一則事不集朕欲布攘夷詔於天下若策畧則將軍職掌其

集思竭慮家茂對曰攘夷臣職也然須令列藩養銳待賊臣明

春入朝再奏方畧三年癸亥正月魯人來江戶告曰英佛將舉

兵來而諸浪士在京攝間者方以攘夷促慶喜慶喜曰待將軍入朝浪士扼腕而退遂殺千種家臣投首於慶喜館曰爲攘夷血祭又殺池內大學鼻首於大坂難波橋榜曰是通夷賊又投一首於山内豐信館書曰是亦助惡者今攘夷詔下公之舉措安危係焉微者之首敢供轅門肥後人轟武兵長門人久坂元瑞寺嶋忠三郎土佐人武市半平大等詣關白邸逼之曰慶喜慶永已入京而屢延攘夷期朝廷亦置之不問臣等憤激之餘或不能顧尊貴欲血及以祭軍神關白大驚報之各藩大納言實德中納言季知少將實厯大藏卿隨資等亦促關白以攘夷關白報之慶喜慶喜與容保慶永豐信答之曰待將軍入朝而後決尋詔公卿及在京諸藩早奏攘夷功又用武兵等言詔洞開言路遴選參政特置關國事一官撰當時公卿有名望者爲

之二月英佛軍艦相踵入橫濱十九日以書逼曰願復島津三
郎否則取償金六十萬圓於政府別取三萬圓於鹿兒島區區
者不余異則當以礮火鳴冤請自今限二十日賜答江戶戒嚴
命開部詮實守殿山津輕朝澄岩城某守越中島松平信庸事
久世某守濱苑安藤某守羽田山内豐福淺野某守大森
報京師詔在京大名曰英人至橫濱問生麥事有藩屏任者其
各就國整兵乃令前田齊泰備京師軍糧毛利慶親備對馬援
兵軍糧因罷其武庫戊松平慶倫龜井茲監中川
久昭代之德川茂德戊二見浦與安濃津同
護大廟池田慶德督攝海諸戌兼守隱岐
是月十三日家茂
發江戶三月四日至京帝幸上下加茂廟親祈攘夷家茂率諸
侯扈從初家茂未西豫詔在京限十日以攘夷期逼也既英事
日急有燒品川高輪之說東人日勸家茂東歸德川慶恕上疏
曰君臣和而夷可攘諺曰去者日遠臣恐覺開不如緩將軍東
歸慶喜容保亦說輔熙實美請留家茂帝燕見家茂待之優渥

日業既委萬事當在此指揮大名家茂感喜

島津茂久臣本多某獻十策於闕下

日築大阪外城引淀河爲湟渠其規模倍豐臣氏四面起煩臺諸門設大統數十日尼崎岸和田兩城爲大阪羽翼倣阪城制開周池築煩臺集攝之兵於尼崎泉之兵於岸和田曰和田岬築八稜城亦徵不沿海諸國之兵守焉曰自安治川木津川至山崎八幡峽連築煩臺曰令武庫界浦市人徙京師曰紀伊阿波淡路遣公卿各一人巡視其海防作圖奏之曰沿海各國建土著戰守之策勿勞奔命曰武庫界浦等處及其他要港置軍艦其十請大將軍留京指揮列藩至是島津久光奏曰臣獻鄙見以論時事而讓口間之媒孽者多臣言不行久居闕下慮有不虞且懷夷期近願賜數月暇因留書明日就國以諸藩在京或有議鷓津氏執事者也

四月詔家茂令十萬石以上三藩同戍京師代以百日家茂詣闕朝廷決以五月十日爲攘夷期家茂勉奉詔布告諸藩而心知不可既而帝行幸男山欲親授攘夷節刀於家

茂關白輔熙左大臣忠香等皆扈從焉家茂臨期稱病因召慶

喜欲授之慶喜窮蹙俄稱病下祠浪士等聞之怒曰咄情夫不

足與有爲遂請帝親征願爲先鋒朝廷暫慰藉之

既而慶永爲浪士所逼知

撥夷難行上書辭總裁聯連歸就時英國償金議久不決薩人
國山內豐信伊達宗城等皆就國上書幕府曰聞英人逼政府欲得吾族三郎而甘心苟授首而
解難固所願也然英人失禮於我我故斬之曲在彼而反求償
何咎也三郎欲授首於兵間敢請命公卿亦主張不償之說既
有傳聞英佛寇攝海者時德川茂德留守江戶驛騎絡繹促家
茂東歸既而慶喜長行等小笠原長行亦幕府老中奉攘夷詔東下英佛益
逼幕府老中欲埃家茂歸五月老中多稱病無一人視事茂德
乃親自西上慶恕又使人要之途茂德入名古屋城亦稱病幕
吏已再四延答期欲再延則無辭老中松平信篤井上清直等
遂授償金券於英人會長行至欲先鎖港而後償金老中不聽
長行獨至橫濱告各國公使曰我邦獨立久矣邦人皆不喜外
交故京師命幕府鎖港止貿易公使等答曰吾輩奉國命通商

此非吾輩事當遣使本國議之然結約復破各國將問背盟罪

日本何不達字內形勢之甚

幕府慮英佛生變宜布市民市
民爭逃避舟車搬運府下大駭慶

喜在途聞償金議決飛騎止之既知勢不可挽乃入江戶出償

銀四十萬圓於英事始平京師聞報公卿譁然秉燭會議徹旦

不決先是毛利慶親奉朝命大修下關堡是月十日戍兵發庚

申艦礮擊墨船於田浦洋中墨船亦發煩入夜大雨海面昏黑

彈多不達戍兵又放一艦交戰數刻墨人有死傷者遂遁家茂

時巡坂攝海防及歸京穰夷過期東報未至兩奏讓幕府慶恕

等對曰遣使促之尙遷延則命將軍東下慶喜亦自東上書曰

臣未見穰夷勝算幕吏疎臣爲包藏禍心臣內外煎逼恐負聖

恩請辭職朝廷不允六月三日家茂入朝詔乃許東歸初下關

兵與蘭船戰互有死傷是月墨艦來襲破庚申艦礮臺亦毀尋

佛艦突入毀赤馬關壇浦杉谷諸礮臺上陸放火前田村長人

短兵橫衝其隊伍苦戰僅卻之幕府令中根一之丞等乘朝陽

艦至長詰問長人不服并殺幕使當長入礮擊墨艦小倉對岸不援墨亦不侵長人責小倉

日鄰國之義我急相援今閉戶不救是背攘夷詔也此後我礮擊夷艦對岸咫尺不保彈丸不及願勿責我小倉人日將軍在

職幕命乃救命不敢為輕躁之舉彈丸之及不得從命自是倉長有隙一之丞等過淡路岩屋洋德島藩長坂貞治誤認爲外

船發煩後貞治屠腹謝罪一之丞等將赴小倉過田浦長人礮擊之下小艇詰問長人答曰幕艦模洋式故擊之不則誤認洋

船以爲我艦可平一之丞與鈴木八十五郎入詰長事長重臣答曰奉朝命幕旨焉爾何敢擅平拘留二使遂暗殺之幕府遂

大惡當是時朝廷已下攘夷詔幕府密主和議而長人已開兵

長藩端乃詔賞長人果斷特賜紅白御旗於毛利慶親賞之又命以少將正親町公

董爲監軍傳擾夷應援之詔於諸藩曰兵端已開苟袖手旁觀

非皇國臣民諸藩其一心敵愾互相聲援以雪國恥遺公董於長防及鎮

西水戶會津伊達細川池田山內有馬等親兵從之尋筑前肥前諸藩馳使至萩城曰貴國復有寇必致援軍淺野茂勳亦欲

援之請就國

又遣禁裏付小栗某下江戶責幕府速舉兵又詔讓幕

府私盟曰鎖港限三十日苟七國不退則攘之

老中信篤正直等請事難施行

且并絕和爾何也七國謂英法墨魯葡及葡萄牙普魯士

六月二十七日英人帥七軍艦抵

鹿兒島曰生麥之事已與政府平然主謀無罪事不平請贖金

三萬圓養死者妻孥不則得主使者薩人對曰殺人者死萬國

所同俟捕獲亡命敢不伏辜然衝大名鹵簿我亦有法禁與足

下辨曲直而後議養妻孥七月朔英人奪蒸氣船三及琉球船

二焚之薩兵大怒乘大風雨邀戰英艦一不動其六折旋自如

拍岸礮擊丸無虛發碎礮臺及礮數十火及鹿兒島市延燒數

百戶薩兵亦礮傷其艦殪二將死傷者數十人薩士乃乘飛舸

入英船乞和英人卽止戰薩士附英艦至橫濱請金二萬兩於

幕府與之事乃平

初薩摩檣壯士五十名偽賣菓船謀分入英艦刺其船將陸兵應機一擊廢之以風浪大

不得近計終不成及戰英一艦不遑拔鐵絕繩而去薩人奪鐵
至和成乃返之英艦過攝海時鳥取人襲擊之英不戰而去後
鳥取將亦屠腹謝罪云 八月詔大坂城代曰蕃艦如來急擊勿失幕府下
教曰既奏請見許必勿浪戰時詔教齟齬率如此毛利慶親已
開戰欲頒攘夷親征詔於天下奏請行幸大和帝遂詔曰拜神
武天皇陵駐蹕春日山議親征自帝命薩長土三藩留鎮京師
諸侯望風朝者八十餘國幕府奏請以松平容保爲守護職帝
亦命留鎮而薩長土勢最强相傾軋朝臣各分左右祖又恐浪
士主戰者縱橫輦轂會行幸議決忽有流言謂長人當乘行幸
火大內奉駕函嶺東征幕府朝議忽中變是月十七日夜半親
王尊融左大臣忠熙以下盡朝決議召守護職所司代徵兵備
非常議奏傳命鎖九門令薩摩會津因幡備前阿波米澤淀分
守之停公卿十三人參朝召大納言實德大納言實愛中納言

光愛等尊融傳詔曰議奏關國事等信長人詭激矯詔旨圖不
良天皇震怒親征非敵旨也十八日遂詔停行幸免長人成兵
長人乃挾中納言三條實美等西去容保等仍備非常詔曰近
者詔令眞僞錯出十八日以來詔乃實出朕意四方其體之九
月命親王熾仁爲攘夷別敕使旣以關東奏鎖港停之十一月
朝廷詔諸藩曰鎖港待幕府指揮勿輕舉妄動主攘夷者聞之
不憚曰朝議復陷姑息矣相率奔長是月家茂遣外國奉行池
田某河津某目付河田某等於英佛諸國圖鎖港事先至佛說
鎖港佛不
容某等目擊海外交際日盛有所悟遂不厭說各
國明年八月歸具陳其由幕府責其辱命削官祿十二月二十
七日家茂復乘軍艦入朝元治元年甲子正月十五日家茂入
京總裁松平直侯等從之二十日家茂率諸大名朝獻詔家茂
曰朕愛汝如子汝親朕當如父醜夷不可不懲然不可輕舉暴

勳宜以實心行實事汝上策畧朕詳察可否以定不拔之國是

又曰暴虎馮河非朕所好而三條實美等不察大勢矯詔親征

欲討幕府長人遂礮擊夷舶暗殺幕吏勾引公卿其罪大矣然

皆朕不德所致自今海內一敵愾絕外交以副朕意其他賜詔

者四十餘藩時謂之翻覆綸旨自三條實美等西去詔視實美

曰臣尊懷之志始終不渝聞親征詔下距躍三百欲爲先鋒何

圖詔不行幸罷臣宿衛臣爲讒言所中傷九天爲証無以自明

臣今不敢詣闕自陳惟堅奉前詔一意攘夷以死報國島津久

先入朝亦奏曰八月之事臣不勝悲痛朝令夕改衰世積習請

察時勢人情建不拔之基臨事紛紜良法奇策徒屬無用幸詔

列藩決大計池田慶德奏曰嚮臣聞之大臣兩卿信據夷之詔

始終不渝獻慮一惑天下得窺九重淺深而不信朝命夫七卿

以利氏之觸朝譴雖非無故然要之遵奉獻旨爲攘夷嚆矢足

以循越境之罪苟奉詔攘夷者蒙嚴譴則人人解體將日不如

毛利氏入京以明示積年攘夷之旨一海內人心長岡護久與

其弟護美奏曰要港已開而夷欲無屢朝廷主決裂幕府主游

移至於鐵公卿幾志士而國內之隙開矣慶親初念在協和幕

府以戴王室願朝旨幕命未盡善是以激烈之徒說七卿等輟

轉相激爾如聞長人固執十八日前詔爲眞敕十八日後詔爲
偽敕然則其不奉幕命必矣請召慶親父子或重臣至大坂下
敷諭之使奉幕命然後責其罪彼必低首屈服否則四月詔家

醜成內訌恐外人乘機其餘上疏論事者三十餘人茂曰汝入覲列藩亦會同今後宜政出一途以示人歸嚮攘夷

鎖港必奏爾功若實美慶親等處置一委之汝先是朝廷置參

尊融及容保慶永久光豐信宗城護久等爲之六月大綱言實
既而更詔有事乃參朝議以委將軍一政權也

夏奏曰朝廷下攘夷詔而將軍以鎖港奏公卿諸侯東西奔走

皆志在攘夷將軍與慶喜既奉詔然入則奉書出則忘戰臣不

解其故大原重德亦奏曰今天下洵洵懼敵旨中變臣決知其

不然特請變鎖港爲攘夷布告中外以示必戰定民志不報八

月幕府下教征長門初長藩土屢上書乞有慶親父子罪弗省

老福元個等率兵犯關容保刺諸侯兵討平部署肥筑薩藝等
之七月十七日下征討詔尋削慶親父子爵

二十一藩以德川慶勝爲總督時各國欲寇長報怨公使會議

於橫濱及閩幕師征長遂命將先攻是月五日有英佛墨蘭艦
十八艘入豐前洋寇馬關礮擊前田壇浦煩臺長人應之彈丸
交往礮煙蔽海日暮交綏六日再戰長人不利徹守走四國兵
上陸進至板谷長人襲敗之殺十數人七日四國兵據山狙擊
長人力拒迭有勝敗而長人鉛硝既盡不得已約和各國船長
責前事長人對曰奉朝旨幕命耳出證左謝之乃定約撤戍罷
築礮臺曰嗣後縱外船來往下關許購石炭薪水食糧遇颶風
許上陸償金則俟與四國公議處以公法媾乃成既而各國公
使逼幕府曰長事須償金三百萬圓取之長人乎抑問政府答
曰政府取彼與之各國公使曰夕督促既幕師攻長長人伏罪
明年正月遂徹西征之師慶應元年乙丑五月幕府以長人內
訖再征長家茂親督師於七月入京九月各國公使自橫濱航

入攝海老中阻之不可徑入武庫佛公使上書幕府曰訂約久矣以王朝諸侯持異議內亂騷擾馴致遷延今薩長已通好於英均許開港而政府反議鎖港何也英使欲面議將軍將軍不遠諾故不得不以師從佛深爲貴國寒心今不許條約則道礮鑄艦之術不傳其何以強兵一敗再敗勢不可問不如請敕許削開武庫以解諸國惑家茂大恐因奏請讓軍職於慶喜別疏曰今宇內互相往來萬里之大彈丸之小無一國能閉關拒人者獨我國遷延退避畏之如虎何以持國體自墨使入下田迭奉聖旨拒絕外交然臣家茂亦面奉明詔戒輕戰於今八年矣西征事起臣入阪城不圖夷艦突進武庫要條約敕許今內憂外患逼於臣身非營臣身皇國臣民同此禍厄海防何者足恃與各國戰幸而小勝環海皆寇生靈何辜臣身存亡卽置之不

問臣誠不敢知寶祚安危如何臣不勝痛哭願賜敕允以舒目前之禍疏已具令德川元同入京家茂遽發大阪至伏見治歸裝諸將士視急爭從道路繹騷慶喜在京聞之大愕卽夜與容保定敬單騎馳赴伏見面議而還十月慶喜容保定敬長行等亦連署奏請敕許詔問諸藩多許之者五日家茂乃入朝令傳奏飛鳥井雅典野宮定功賜敕於家茂允許條約然猶不許開武庫幕府宣告中外外艦乃去

幕吏以敕示各使英使見書中兵庫仍不許開港語遽起取書怒裂之擲於地曰使臣之職遵約而已他非所知幕府乞援於佛使請爲調停於是老中連名作書曰兵庫開港其責在大君已委水野和泉守請至江戶再商各使乃歸橫濱

自戊午結約朝野謗議至是乃得敕裁家茂遂駐大坂命將西征有佛艦過馬關曰佛已與政府盟不得不援政府討叛者今將赴長崎請歸路報我及長攻小倉佛人詰長人長人曰幕府屠我大島燔我聚落殺戮亡辜小倉

負鄰交啟東軍我何得唾面不報會英船來居間和解佛人乃
去或曰幕府私囑佛以劫長也尋英人率軍艦及測量船各一
泊宇和島伊達宗城遣吏按之對曰政府無悔約意英豈有異
志二年丙寅七月十一日將軍家茂薨於軍布告列藩旋征西
師詔以慶喜爲將軍十二月帝患痘崩今帝慶應三年丁卯五
月詔開武庫港先是各國公使自武庫至大坂賀將軍襲職且
使開港慶喜奏請曰曩先帝明察俯允條約然猶禁開武庫先
臣家茂豈敢違旨而不以布告者以開港之期載在盟府不可
渝也苟或失信各國將以兵戎問背盟之罪我中世以還羣雄
割據互相盟誓每灑血爲書然當城下窮蹙內裡求和輒以爲
姑許紓禍以待後圖當歃血之初已萌背約之意故已盟復寒
視爲無足輕重之事然不可施於今之外國也今萬國交際首

重締約一語已下山可移海可覆而約不可廢故約中一字之
墨萬民之膏血係焉利害所關不可不慎今之條約誠有失便
宜者而非開武庫港之謂也臣聞英美魯佛各相往來環球而
居雖異宜異俗而橫目圓顛均是人耳旣無彼此卽謂之同胞
可也萬國和會我日本乃欲獨立海中閉門拒絕能乎不能一
締條約互相維繫強不得凌弱大不得併小故西人謂條約尊
於法律法律所以治一國條約所以綰萬國鄭重如此臣敢披
赤心保其無他伏冀陛下詳古今之變察宇內之勢從已許條
約特開武庫以昭國信揚皇威朝議以先朝所禁詔詢列藩淺
野茂長池田茂政池田慶德稍持異議其他均謂可許遂許之
幕府乃定本年十二月爲開港期後又改期明年三月方是時
幕府大政皆仰朝旨而慶永齊正豐信宗城久光等各參大政

尋豐信上書幕府曰比年以外交釀內亂東西分擾無他政出
二門也方今大勢一變不可墨守舊規宜奉還大政於朝廷與
萬國並立基業十月將軍慶喜遂奉還政權十二月九日朝廷
下詔曰今日以往大小政令自朝廷出明治元年正月十二日
令四方曰曩德川慶喜怏怏失望敢以兵逼京師今以親王熾
仁任征東大總督授錦旗東征初慶喜之叛諸國公使在兵庫
下局外中立令禁其人民勿援東西師勿鬻兵器及慶喜東走
又告公使曰日本天皇親執政權自今以京師爲政府二月會
各國公使於大阪本願寺文武諸官盡列外國事務官少將東
久世通禧少將伊達宗城傳命曰政府新置外國事務局責在
吾輩自今日始請遇事協議以慎邦交我天皇欲見諸卿公等
其待後命公使等答曰固所願也然聞征東師起吾曹將避亂

橫濱倘天皇賜謁願勿延宗城曰余爲外國人居留者保無虞
莫以爲念公使曰然不欲曠日或曰延夷於闕下如物議何參
謀等笑不對三月朔英佛米蘭諸公使入朝拜謁天皇賀大政
復古盛典是日儀畢帝臨太政官以五條會諸侯盟誓其末曰
求知識於寰宇以振起皇基遂布告全國於是外交事畧定京
人相賀而是時攘夷之說未息當各使集兵庫時備前藩王過
神戶或犯其前驅遂發砲攻擊互市場各國咸怒盡奪諸藩輪
船之泊於神戶者土佐藩兵守界浦又毆擊佛國十六人或死
或傷佛國聯各使以五事要朝廷概徇其請曰急戮暴徒曰償
金十五萬圓曰外
務長官亟致書謝罪曰土佐藩主亦謝罪曰不許土佐藩士佩
刀入市場三日不允則徑行吾意廷議慮開釁遂執土藩士二
十人賜死於妙國寺佛人亦來監刑各以次就死及英使入朝
層腹如劃水佛人亦不忍視至十一人合掌退去

又有刺客要擊於途傷護衛兵卽擒暴徒處以梟示

先是以攘
夷得罪者

敕令自裁依舊例引刀剖腹暴徒視死如歸轉以爲榮犯者踵起及是從英使言皆削土籍處臬刑以示辱也維新以後此風仍未已有張示於日本橋者日外人近益跋扈縱馬橫馳往往傷人不顧見之而不拔刀卽非日本男子甚至大學南校所延英人教師駐劄箱館之獨逸各開港場仍屯兵守護幕府時所領事亦遭害政府嚴禁始息

手組維新後仍不撤而英佛二國各留兵千五百人於橫濱以至明治五年始廢

保護已民至八年始撤去維新之始管外事者內外交謫而東

久世通禧伊藤博文後藤象次郎等竭力彌縫漸覺相安於是

朝廷益銳意外交先下令有約各國凡有往來國書及宣告公

文君主之國概稱皇帝民主之國稱統領當鎮港時沿舊習見外人輒目爲夷狄或

斥爲異類將軍自稱爲日本大君稱他國曰某國主及所有前

是盡廢君主之稱概尊爲大皇帝或大統領者爲令是幕府於

禁耶穌天主教之在地踏像當道豎牌概撤廢長崎設耶穌

便令登岸者踐踏之又通衢大道皆有豎木牌示曰禁止切支

丹宗門王政復古更書曰禁止切支丹耶教各使請去耶字

又改曰切支丹宗門仍依例其耶教應嚴禁速改約論起各國

復互相議曰日本法律仍禁耶穌教背宗教自由之義實爲文

化半開之國豈得比於泰西得平等權利乃將所登禁牌撤去仍無地禁明文其依照天主教法行葬禮者仍不許當舊幕時禁教極嚴教徒皆潛匿不出及外船劫盟死灰復燃遂邀集教徒數千人於長崎之浦上村公然聚會幕府捕繫之佛人力請釋放乃分配三千餘人於各藩責令約束雖教師復請之公使求爲赦免而政府謂天草之亂教門實爲國政之毒不能曲從其後漸次寬禁亦以外使諍論故也既廣開各國語言文字學校復遣子弟之秀異者官吏之諳練者留學於外國已通商矣有吉田寅次郎欲私附外船往各洋幕府猶處以禁錮後漸弛此令幕府先遣榎本武揚德川昭式往外國名曰留學生而薩長大藩亦選俊才竊往中如伊藤博文井上馨鯨島尙信森有禮吉田清成輩皆在其中學成歸朝值變革之際咸破格擢用維新之初各朝貴侯封爭遣子弟往學明治元年海外留學者五十八人二年至初改兵制練海軍變刑法研醫百五十人至五年大抵千餘人學架電線敷鐵道創辦之始爭聘外人爲先導外人應募而來踵趾相接幾徧於國中自政府屬官遠於私學校各社會各製者咸稱御雇教師明治初年意謂取長以補短速三四年則皆欲舍舊而謀新風氣所趨聘書絡繹明治六七年間所聘外人大約六百人以上至十一年漸少猶在二百人以下脩脯之費約計殆過千萬圓云外務日繁政府乃

分駐公使領事於各大國

明治三年以森有禮使美、島尚信使歐洲、是為遣使之始、爾後遣派公

使凡九國為英、佛、米、蘭、獨、魯、及澳、大、利、亞、意、大、利、二國、又分駐領事於英、倫、敦、新、嘉、坡、魯、之、哥、爾、薩、浦、鹽、斯、德、米、之、桑、港、紐、約、佛、之、馬、塞、獨、之、伯、林、等、處、已漸察外情思恢復已失之權利而外人尚干

預內政或故犯日本條規或強迫日本遵行如游獵規則多游

獵內地者日本制令民人繁集之區林木掩蔽之處不得妄發銃犯者得拘禁之而巡查拘而致之領事者多以無罪免防

疫法明治十二年長崎疫證流行即霍亂吐瀉西語名為虎烈

長崎刺者也此病最易傳染日本仿西法以定規則凡有船由

明無病者乃放行商之各使無異議惟獨逸有船來不服檢査

破例駛入講所定規則未善也外部不得已復與各使協議將

規則改定各使乃布告其民使遵行此案出而日本論者驚焉

首謂外人侮我不會日本均不得行其志然整理內政頗有規

模外客來游者如英國皇子

年二魯國皇子

年五伊大利皇族

年六德

國皇孫

年十一

美國前總領格蘭脫優加敬禮頗獲聲譽

格蘭脫

內政並願與英米諸紳設立東洋友會力禦外侮云外政亦有

進步如割樺太全界與魯西亞尙易取于島

初壬戌秋竹內某
松平某使魯以樺

太一地委奴以色列兩種人分處欲限北緯五十度定兩國界
魯人爭曰烏得以此地爲貴國有以輿論言之謂之滿洲屬島
可也且四十八度以北未見委奴人種乃欲分五十度乎此土
無界可定然疆場之邑或彼或此亦非我所好我在下田嘗與
貴國約人民雜居貴國置不問日他日目擊實地以議無已今
以阿丹和港界之二人察其言有奪全島意然茫乎不辨地勢
乃立券約就地勢定界幕府請命熱地理者檢之居五年使節
未遣魯遂大起土功拓樺太島事聞幕府大驚乃遣小出石川
等至其京都執舊券議就地勢定界魯若爲不知者欲以干島
代樺太蓋謬以干島爲魯有也小出等讓其食言魯人日口舌
何益今與貴國隨開隨居不亦善乎小出等議曰雖唇枯舌燥
辯之無濟今魯人拓地已及五十度南需者事之賊我國之咎
也終復約彼我人民雜居而歸至明治三年託米國政府周旋
仍盡五十度爲界魯不允四年副島參議六年岩倉大使等迭
議不就及擾本武揚使魯又爭論連年八年冬釋秘魯傭役船
乃定議割樺太與魯而交換干島歸日本云

經俄皇公斷亦直曰本而非秘魯

事詳鄰交志上篇其後東京
有數百工役應募赴秘魯政

府慮踏賣奴之弊禁止之布哇即華人所謂檀香山也有米人
傭雇賤民送致其島幕府不能禁後亦遣吏往布哇檢察不願
留者載以歸自秘魯事起日人謂業其全國君臣上下所最注
娼妓掠賣兒女均損人權並禁之

意者在改正條約維新之初雖照行幕府舊約已漸知領事管轄外人稅則不能自主之非明治四年特命右大臣岩倉具視爲全權大使參議木戶孝允及大久保利通伊藤博文爲副使

專議改約兼察各國政事法律商法教養兵制等事先至米國

議不合原約以十年爲期明治五年五月卽爲改約期已至米

遺大人保伊藤歸國請全權委任既聞歐洲各國均不願乃中止兩副使仍往米借行及大使歸朝益銳

意改革值西南變亂待事定乃與各國公使協議意欲增加輸

入凡內港貿易講專在一國中來往不許他國船侵占旋與米

國議改明治十一年吉田清成議於華盛頓約稱所有海關收

復言此約俟各國改約後卽日施行至十二年又將關稅改正

然此各國未就範故不能實施云

稿出示各使英使詢於橫濱兵庫大坂之英商會議覆曰舊

廢也謂增加輸入稅既輸入矣已人日本人之手而重課之楚

人得而楚人失何利之有因加稅而輸入驟減吾輩之害也已

加稅而輸入如故於彼又何利焉利不百不變法何改作爲謂
廢棄輸出稅以此勸工以此務財以此訓農使物產日盛彼之
利也若以此抵償輸入所加之稅示惠於外人殆不其然日本
絲茶價之高低悉操於歐洲市場於東洋成本之重輕無與也
吾輩但從中逐什一之利耳所減之稅不能認爲吾輩溢出之
利也海關稅則之權由日本自定誠慮日本政府謀已而不顧
人如美國之保護稅竟值一而取二年來貿易已漸覺減色如
施行此政行且開關矣若兩國協議准物之精粗價之高下以
定一平均稅則猶之可耳前定關稅以日本舊行之一分釵抵
算殊滋不便今日日本已自造金銀貨望以各國同等同量之貨
一體收用日本政府欲自導本國內港貿易之權商舶來往多
則貨物之轉運爲禁一商會之利耳於今三菱會社自專其利而
外船之搬運爲禁一商會之利耳於今三菱會社自專其利而
通商此兩困公共之利而現行規則不許外人在內地居住貿
易望並弛其禁均許其自由庶與歐美無異日本內地尚多可
闢之續應興之工業願移外人資本以代與大利至於外國已
經註冊之貨有名之牌號獨賣之權利願極力保護毋使日本
人爲託妄爭年來日本紙幣製造甚濫願設法限制勿使搖動
市場有碼貿易此皆吾輩所望各公使忠告於日本者也日本
大藏卿亦詢於東京大坂長崎之日本商會亦議復曰現行條
約內外胥受其害舉國所共知也增加輸入稅以減輕地租保
內港貿易之權毋許外人船隻占庶可舒民困而勵商業初
結約時海關收稅以幕府之一分銀計算外人貨幣不論其成
色之輕但以分量相准彼以換銅之貨易我足銀受損多矣嗣

後定制以一分銀之三百十一個當洋銀百圓准此計算我政
府仍復失利今日日本貨幣如上海香港新嘉坡皆邀信用泰西
通例本國祇用本國之貨請嗣後收稅概用日本貿易銀其他
一概屏棄之可也維新之始國人見舶來之物無不垂涎盡取
其累葉之所積蓄傾瀉一空爭相購取故明治三四年以後商
務日盛一日至十年而衰頽矣其盛也非實狀也民浮故也其
衰也亦非實狀也錢荒故也苟條約得宜貿易且日盛安得如
外人所謂有害商務耶紙幣價低非政府濫發之故乃金銀濫
出之故銀價不定商業實岌岌可危然日本無法以補救則皮
之不存毛將焉傳使日本全國有楮幣而無真銀外人又何所
藉以為利耶故日本今日之政當開通道路興造船舶以利轉
輸廣開通商之港增加輸入之稅竭智盡力以保我國本有之
利增吾人輸出之品其要全在於改稅則改條約云云十三年再將條約改正稿分致各
使請轉呈各政府委權於東京各使以便協議今猶未定

日本國志第三

卷之九

出使日本參贊官黃遵憲編纂

天文志

外史氏曰自地而上皆天也日月之照星辰之明天之覆萬國者莫不同也蒼蒼者其正色耶舟車之所至人力之所通海之所際地之所載萬國之觀天亦莫不同也所未同者各國推步之法耳余觀中國之誌天文者有二一在因天變而厲修省自三代時已有太史所職在察天文記時政蓋合占候紀載之事而司以一人故每借天變以儆人事春秋本舊史而紀日食後世史志因之因有日食修德月食修刑之說前代好諛之主有當食不食及食不及分諷宰相上表率百寮而拜賀者其謬妄固不必言而聖君賢主明知日月薄蝕纏度有定數千百年可

推算而得然亦不廢救護之儀省惕之說者誠以敬天勤民實
君人者之職而遇災修省之意究屬於事有裨故亦姑仍舊貫
而不廢舉行此中自有深意也彼外人者不足語此遂執天變
不足畏之說概付之不論不議矣一在卽物異而說災祥自伏
勝作五行傳班孟堅以下踵其說恒雨恒暘恒燠恒寒恒風皆
附會往事曲舉證應其他若熒惑退舍宋公延齡三台告坼晉
相速禍以及德星之聚潁川使星之向益州客星之犯帝座皆
一一徵驗若屈伸指而數庭樹毫釐之不爽者何其妄也夫星
辰之麗天爲上下四方前古後今之所共仰而人之一身不啻
太倉之一稊米乃執一人一時之事以爲上應列宿有是理乎
余觀步天之術後勝於前今試與近世天文家登臺望氣抵掌
談論謂分野屬於九州災異職之三公必有鄙夷不屑道者蓋

實驗多則虛論自少也若近者西法推算愈密至謂慧孛之見亦有纏道亦有定時則占星之謬更不待辯而明矣日本之習天文者甚少日月薄蝕以古無史官闕焉不詳而星氣風術之家中古惟一安倍晴明精於占卜後亦失傳故占驗均無可言卽有之要不足道也今特專紀其授時之法考日本舊用中歷今用西歷皆襲用他人法其推步又無可稱述第畧誌其因革耳若乃體分濛瀨色著青蒼則劉知幾有言今之天卽古之天也必欲刊之國史施於何代不可也余亦以爲外國之天猶中國之天也苟欲限以方隅誌之何地亦不可也作天文志

日本亦用夏正自推古以前統稱之爲太古歷

新井君美日本朝用歷蓋取太

初四分三統乾象景初等法其用何法史無可考

先是應神之世百濟始貢博士王仁

繼體七年六月又貢五經博士段揚爾十年九月貢漢高安茂

請代段揚爾至欽明十四年六月敕令百濟所貢博士等宜依番上下又以卜書歷本及藥物爲付送明年二月百濟所貢五經博士王柳貴歷博士王保孫等皆依請交代是歲甲戌當梁元帝承聖三年也當時歷博士徵之百濟依番上下第襲用漢歷而已未嘗習學其術也後四十八年推古十年十月百濟僧觀勒來獻歷本及天文地理等書亦兼通其術敕命諸生就學陽湖史王陳傳其歷法十二年歲次甲子正月朔始用新歷是歲當隋仁壽四年觀勒所獻乃宋何承天之元嘉歷也後八十六年持統四年十一月始行元嘉歷兼儀鳳歷蓋兼用二歷之法是歲庚寅爲唐嗣聖七年儀鳳歷唐所謂麟德歷也行之數年至文武元年遂廢元嘉歷專用儀鳳歷後六十七年孝謙天平寶字元年十一月勅令歷算生講習漢晉律歷志大衍歷議

九章六曹周髀定天論等書七年八月又廢儀鳳歷用大衍歷是歲癸卯當唐廣德元年大衍歷僧一行開元中所作也後十七年光仁寶龜十一年遣唐錄事從五位下行內藥正羽粟臣翼獻寶應五紀歷曰今大衍歷唐既不用用此新法明年正月天應紀元已敕頒行本朝司歷猶用大衍未習五紀謹上此經請爲檢察然因當時無習推步者卒格不行五紀歷凡四十卷唐寶應元年所作也後五十五年爲仁明承和三年頒歷以七月爲小月博士等議互有差午廷議遂據七曜歷法改爲大月餘亦改其大小初後漢光和中劉洪作七曜術爾後陳隋及唐所述凡二十九家廷議蓋兼採其法後二十一年文德齊衡三年陰陽頭從五位下兼行歷博士大春日朝臣眞野麻呂又奏請用寶應五紀歷廷議以爲國家據大衍法造歷尙矣去聖已

遠義貴兩存宜暫相兼不得偏用後三年清和貞觀元年會渤海國大使馬孝愼獻長慶宣明歷奏稱大唐新法三年六月眞野麻呂復奏曰以彼新歷比較大衍五紀二經且察天文且參時候二經之術實似粗疎令朔節氣均有差誤臣有唐開成四年大中十二年等歷詳加參校實用新法知渤海大使所言不謬歷儀曰陰陽之運隨動而差差而不已遂與歷錯夫大唐開元以來三改歷術本朝天平以降猶用一經靜思事理似不宜然請停舊用新欽若天步詔從之始用長慶宣明歷法後七十五年朱雀承平六年十月權歷博士葛木宿禰茂經奏議以博士大春日朝臣宏範所呈明年丁酉歷本殊多差謬七年十月乃命宏範茂經共議明年戊戌歷二人所議不合因命大宰府寫呈唐歷依照而行是歲丁酉爲後晉天福二年時後唐已亡

天下擾亂大宰府亦無所得自是以往司歷所業不精僅有賀

氏傳其家學而已

考後醍醐帝時所領延喜式有陰陽寮一官內稱凡每歲進歷具註御歷二卷納漆函安

漆案頒歷一百六十六卷納漆櫃著臺俱於十一月一日俱進

又七曜御歷一卷正月一日進御凡天文博士常守觀候每有

變異日記進寮寮頭即共詳知密封奏聞寮中學生共三十人

陰陽生十人歷生十人天文生十人得業生陰陽二人歷二人

天文二人均選性識聰慧者令專精學業具名申官給衣食其

成業年限則依令云云據此則日本亦有授時之典占驗之術

習學之生殆以所業不精遂失其傳歟 皇室漸衰遂失厥職民間所行唯用宣明

歷法耳逮夫後西帝寬文末始有建議請改歷法者至靈元貞

享元年甲子十月取用元授時歷以造新歷名曰貞享歷自長

慶宣明歷法流行至是凡八百二十三年而廢矣貞享歷行之

七十年將軍德川吉宗頗習天文特於江戶神田建天文臺製

簡天儀知授時法又有差違奏請考驗後桃園寶歷三年長至

日遂敕陰陽頭安倍泰邦立表測景幕府天文方澁川某西川

某等皆與其事授時法果有誤遂詔改歷明年頒行名曰寶歷

歷時已兼用西法後四十四年光格寬政九年十月又詔天文

博士安倍泰榮改歷十二月成名曰寬政歷是歲八月築天文臺於朱雀三條

後四十五年仁孝天保十三年九月又詔陰陽頭安倍晴親改

歷名天保壬寅歷其節氣一遵寶歷之舊百年之間改歷者三

蓋以推步漸精易知差謬故也德川氏之初以禁天主教凡船來之書言及西學概加塗抹方

許流布至德川吉宗解禁人始得窺泰西天文之學是時有麻田剛立間長涯攻星歷之學及西書流布密微入神星工傳為

大寶乃與剛立所發揮若合符節而間長涯所關天行方數諸曜歸一之理亦合於西術及是遂同究西法當時著論已欲廢

太陰歷而用太陰歷云王室維新明治五年十一月九日詔曰朕惟我邦

通行歷書以太陰朔望立月合太陽纏度故二三年間不得不

置一閏置閏之前後季候有早晚推步亦從而差而太陽歷從

太陽纏度立月有日子多少之差無季候早晚之變每四歲置

一閏日七十年後僅生一日之差比太陰歷最精最密其便者固不待論自今廢舊歷用太陽歷要使天下永世遵行之百官有司其體斯旨是日遂行改歷禮祭太廟及歷代皇靈太政官又布告曰今奉旨改歷以是年十二月三日爲明治六年一月一日自今以後每一年凡三百六十五日分十二箇月每四年置一閏日凡記時用晝夜平分之法卽以今日子刻至明日子刻爲一晝夜其中分爲二十四時每一時分六十分每一分分六十秒由子至午稱爲午前十二時由午至子稱爲午後十二時所有從前祭日當以舊歷月日比照新歷月日校定頒行

考西

洋用太陽歷始於羅馬教主該撒儒畧名爲儒畧歷先是羅馬王羅慕路所創歷法以三百零四日爲一年分爲十月而寒燠四時不能相應至努馬本比流改令一年之內增加二月及儒畧又改以三百六十五日六時爲一年始行於耶穌紀年前之四十五年至耶穌紀元一千五百八十四年已積差十日是年春分應在三月二十一日而誤置於三月十一日教皇格力哥

里第十三覺其差謬遂作新歷以三百六十五日五時四十九分爲一年即刪棄十日以是年十月五日爲十月十五日又預防後來之差定以每四年置一閏日每一百年又停一閏日每四百年仍置一閏日是爲格力哥里歷又稱新歷泰西奉教諸國次第遵行今惟俄羅斯仍用舊歷故比他國差十二日考太陽繞地球一周爲三百六十五日五時四十八分五十分弱以三百六十五日爲一年是爲平年其餘數五時四十八分五十分每積四年則置一閏日是爲閏年然每一日積共有一千四百四十分此每年餘數四年合計僅有一千三百九十五分二百秒猶不足一日是四年一閏每年多十一分零一秒積一百年爲一千一百二十六分四十分故每一百年宜停一閏日然積一千二百五十三分二十秒故四百年仍置一閏日以此法推算積四百年僅差一百八十六分四十分耳可謂精密至極昔魏默深作中西歷法異同表敘謂西法再積三千餘年當以春分爲元旦萬年以後元旦將在炎夏蓋僅據太陽行分六十七年差一日之說而推而未考其置閏停閏補閏之法也

遂頒新歷每年以一月三月五月

七月八月十月十二月爲大月各三十一日以四月六月九月

十一月爲小月各三十日唯二月獨二十八日每四年置一閏

則二十九日其歲首必當中歷長至後十日

蓋取太陽過宮最卑行最疾之日與

中國冬至太陽在赤道最南之日殊科其閏年必當中國子辰申歲也又仿古七

曜之法以七政紀日日曜日火曜日水曜日木曜日

金曜日土曜日亦仿西法以日曜日爲安息日官司均給假例

以一六日爲假日則當中歷之房虛昴星四宿也尋又以神武紀元之

年爲紀年之始稱是年爲二千五百三十二年以神武卽位之

日稱爲紀元節史稱神武卽位當東周惠王十七年辛酉正月庚辰朔今推算西歷應在新歷二月十一日遂

詔於是日稱紀元節所有舊歷之正月人日三月三日五月五日七月七

日九月九日均令停廢惟所頒新歷附註舊歷於下以便農時

而農家以沿用夏正已久頗爲不便旣又編太陽歷授時表布

之民間而於內務省之地理局特設測量一課於西京長崎廣

島和歌山各設測候所每日誌其寒暖晴雨及氣之壓力以玻璃管

盛水銀記分數於管外於管之彎曲之處開一小孔以吸天氣氣自外入其力能壓水銀視管中水銀之高低以驗天氣之厚

薄如天欲風雨則氣之壓力重而水銀必低此風雨表蓋創於

意大利人他里塞利今所通用其製如時表以尖針指定度數

者則英吉利空氣之溫度所用表以測空中之氣溫度幾何日本

字估所造也定之

地中之溫度是在地掘一窟日中之溫度是在太陽地用

無氣中之日溫度用玻璃筒將氣吸盡在太陽地驗之

中有水水之蒸氣水受熱其氣上騰為水氣之漲力

多少水氣與空氣露之點用罐盛水置空氣中內之水浴外之氣

相合其力幾何露之點熱水受氣蒸則濡濕於外用表考之有

多少度雨之量以觀多少雲之形質驗十分雲晴雲幾分雨

而或露雨之量以觀多少雲之形質驗十分雲晴雲幾分雨

之方向與速度驗其東西南北來去之每月則編誌布告以便

於民而附紀於歷中者則有日月食及日出入之時刻日赤緯

之度數謂太陽與赤道月之盈虛出入潮之滿乾其每歲二十

四節氣概有定日雖有差違並附誌焉余在日本與一友論改

必其人以為此乃雜新第一美政太陽歷歲有定日於制國用

頒官禱定刑律均精核畫一絕無參差比之舊歷便益寔多

謂中東兩國沿用夏正已二千餘年未見其不便且二國均爲
農國而夏時實便於農奪其所習而易之無怪民間之然異
論也彼又謂此第一時不習耳日久則習而相安矣且三代之
時三正迭用改易正朔乃有國者之常子不議古人而斷於
是不亦拘乎余無以難之也既而其入又謂置閏之法本出於
不得已若不置閏而歲歲齊盡其法實精中國特無人創論
及此耳苟有之未必不變法也余乃舉沈存中用十二氣爲一
年之說以告之謂中國特不欲更改並非無人及此其人愕眙
頁久亦無以應我也今附錄于此以塞專尚西法者之口其說
曰歷法見於經者惟堯典言以閏月定四時成歲置閏之法至
堯時始有太古以前又未知如何置閏之法先聖王所遺固不
當議然事固有古人之所未至而俟後世者如歲差之類方出於
近世此固無古今之嫌也凡日一出沒謂之一日一月一盈虧謂
之一月以日月紀天雖令名然月行二十九日有奇復與日會
歲十二會而尚有餘日積三十二月復餘一會氣與朔漸相遠
中氣不在本月名實相乖加一月謂之閏閏生於不得已猶構
舍之用礮樓也自此氣朔交爭歲年錯亂四時失位算數繁猥
凡積月以爲時四時以成歲陰陽消長萬物生殺變化之節皆
生於氣而已但記月之盈虧都不繫歲時之舒慘今乃專以朔
定十二月而氣反不得主本月之政時已謂之春矣而猶行肅
殺之政則朔在氣前者是也徒謂之乙歲之春而實甲歲之冬
也時尙謂之冬也而已行發生之令則朔在氣後者是也徒謂
之甲歲之冬乃實乙歲之春也是空名之正二三四反爲實而
生殺之實反爲寓而又生閏月之贅疣此殆古人未之思也今

爲術莫若用十二氣爲一年更不用十二月直以立春之日爲孟春之一日驚蟄爲仲春之一日大盡三十日歲歲齊盡永無閏餘十二月常一大一小相間縱有兩小相併一歲不過一次如此則四時之氣常正歲政不相陵奪日月五星亦自從之不須改舊法唯月之盈虧事雖有繫之者如海胎育之類不預歲時寒暑之節寓之歷間可也借以元祐元年爲法當孟春小一日壬寅三日望十九日朔仲春大一日壬申三日望十八日朔如此歷術豈不簡易端平上符天運無補綴之勞子先驗天百刻有餘有不足人已疑其說又謂十二次斗建當隨歲差遷徙人愈駭之今此歷論尤當取怪怒攻罵然異時必有用子之說者

太陽歷授時畧表

每年節氣無甚差異

小寒

以上

一月六日

桑始肥

寒暑表自五十六度至四十二度

伏日

一月八日

欵冬華

大寒

不宜

二月二十一日

浸蠶種但寒暑表在四十度以上則

立春

不宜

二月四日

黃鳥鳴

節分

二月三日

踏麥苗惟有雨不可踏宜接梅櫻桃杏諸樹

宜插柳枝

雨水

二月十九日 烟霏發黠多陰少晴

啟蟄

三月五日 宜伐薪無農事

三月十八日

宜種牛房胡椒茄子甘薯早稻扁豆瓢瓜之類宜植蘘荷種西洋野蔬宜移植梅杏枇杷南天

竹等宜植馬鈴薯種楊花蘿蔔春葱

春分

三月二十日 彼岸櫻始開華

三月二十八日

宜種冬瓜西瓜玉蜀黍紫蘇藍烟草鶯菘等類又宜插林禽梨葡萄柏宜移植柿栗桑及澆

桑種芋

清明

四月四日 是節蛇出穴雷始發聲

四月八日

所接諸木始見木芽宜以時加澆

伏日

四月十七日 櫻花盛開宜種麻

穀雨

四月二十日 桑始抽芽宜種扁豆大角豆甜瓜之類宜植柑柚橙之類

四月二十九日

牡丹華宜種春蒿麥植蒟蒻 寒暑表自五十八九度至七十四五度

日本國志卷九

八

八十八夜

五月一日

宜種大豆麻木棉

植芋魁

是時竹始抽

立夏

五月五日

宜植松樹

五月十二日

宜植蔥種木棉胡麻夏蘿蔔早稻小豆

浸稻種

小滿

五月二十一日

蠶起食桑

五月二十四日

植杉宜陰雨忌晴乾始植常青之樹

五月二十八日

浸種方闢早蠶事訖茄子華種牛房

芒種

六月六日

蠶事正忙宜植甘薯惟忌北風宜植楸槲櫟

六月九日

蠶事訖刈早麥宜并種匾子枇杷之類種胡蘿蔔

六月十九日

初夏蠶方化蛾 春蠶始爲蛾

夏至

六月二十一日

初夏蠶盡化蛾 春蠶方作蛾 宜播

六月二十四日

種大豆於田畔 始插秧 春蠶盡化蛾 宜種粟

半夏

插秧 寒暑表自七十六度至九十度以上

小暑

七月七日 插秧 宜種胡蘿蔔

七月十八日

宜種稗子澆芋

伏日

七月二十日 種蘿蔔自是月至立冬勿移植樹木

大暑

七月二十六日 百合華 宜種粟 寒暑表自八十度至九十度

七月二十五日

刈麻

七月三十日

宜摘胡麻六棉之抽嫩枝者種二回馬鈴薯

立秋

八月七日 種蘿蔔 赤蜻蛉始出

處暑

八月廿三日 宜種蕎麥油菜

八月二十八日

早稻華柿始紅 種油菜事訖

二百十日

八月三十一日 種蕎麥事訖 早大豆小豆並熟

九月六日

栗子始熟晚稻華

白露

九月七日 宜種蕪菁秋菜洋葱

九月十日

宜種菠陵菜 自是節宜束桑樹

九月十二日

種晚蘿蔔水菜菘菜葱罌粟等類 晚大豆亦熟

九月十八日

造烏柿苗葦生宜種葱韭大蒜冬菘芥子

秋分

九月二十三日 栗子熟宜移植常青樹木

寒露

十月八日 宜種三年牛房小豆蠶豆之類

伏日

十月二十日 菌蕈栗子盡熟 稗皆熟

霜降

十月二十三日 種大麥小麥蘿蔔

十月三十一日

種小麥事訖 宜種蠶豆豌豆冬菘植百合根

十一月三十一日

柚子黃栗皆落實 椴葉始紅宜掘芋掘甘薯

立冬

十一月七日 刈晚稻自是日宜移種冬凋之樹若根不繁榮之大木等類其移植尤宜三月

十一月十九日

植油菜造醃菜

小雪

十一月二十二日

宜覆蜜柑香橙但忌寒暑表四十度以上

大雪

十二月七日 宜拔蘿蔔澆大麥

十二月八日

宜拾落葉做薪且不可久留

冬至

十二月二十一日 自是日至立春忌耕耨陸田水田但不妨澆肥

日本國志卷九

日本國志第四

卷之四

出使日本參贊官黃遵憲編纂

地理志一

外史氏曰於茫茫大地之中畫疆分土而名之爲國其壤地莫不相接其疆場莫不相奪其強弱大小無定形則有日闢國而日蹙國者上下千古橫覽九州莫不然矣而日本之爲國乃獨立大海中曠然邈然不與鄰接由東而往凡歷一萬五千餘里乃至美利堅由西南而往凡歷二三千里乃至上海臺灣卽最與鄰近之朝鮮亦歷數百里而後能至自神武紀元以來二千五百有餘歲未嘗舉尺寸之土與人亦未嘗得尺寸之土於人雖近日開拓蝦夷交換樺太吞滅琉球似有異於前之版圖者然蝦夷本羈縻之州樺太非固有之地琉球乃甌脫之土得非

果得失亦非失蓋自有日本以後卽守此終古一成而不變不亦奇乎余聞歐西有瑞士山水清華士女明媚以介居諸大間各謀保護不相侵擾世人比之桃源而東方之日本乃以遠隔強國自成樂土天殆故設此二國使之東西並峙歟自德川氏以禁教故丸泥封關謝絕外客子孫世守其法膠柱拘泥二百餘載無所見於外者無所羨於內無所聞於內者亦無所懼於外當是時也上以武斷爲政下以卑屈爲俗熙熙穰穰娛樂無事而歐洲諸國鷹瞵視強弱相併閱一爭戰則國步日進北則有彼得加他鄰明毅果斷氣吞南溟西則有若拿破崙雄才偉畧諸侯稽首又西則有若華盛頓艱苦卓絕獨立一洲或英人吞併五印度撫有而國或俄人建萬里鐵道以通浩罕輪船電綫爭驚紛起機巧奪天工人智欺鬼神凡西人兵威宗教幾

幾乎彌綸地球而無所不至而日本閉門自守無見無聞矇然未之知也直至堅船巨礮環伺於門乃始如夢之方覺醉之甫醒雖曰鎖港逐客國體如此亦未始非地勢使之然也嗟夫事變之極開闢未聞以日本四面瀕海古稱天險二千餘載絕無外患而自輪船鐵路縱橫於世極五大洲之地若不過彈丸黑子之大各國恃其船礮又可以無所不達昔林子平有言日本橋頭之水直與英之倫敦法之巴里相接古所恃以爲藩籬者今則出入若庭戶矣言念及此地險足恃乎余觀亞細亞諸國印度覆矣土耳其仆矣安南緬甸又傾踏矣日本自通商以來雖頗受外侮而家國如故金甌無缺猶得以日本帝國之名捧載書而從萬國後壤地雖曰褊小其經營籌畫卒能自立亦不足多矣然而日本論者方且以英之三島爲比其亟亟力圖自

強雖曰自守亦頗有以小生巨遂霸天下之志試展五部洲輿圖而觀之吾誠恐其鼎舉而膺絕地小而不足迴旋也作地理志

全國四面瀕海統四大島而爲國所屬小島凡一千八百餘西北隔日本海遙與朝鮮相對北有樺太島隔尼哥勞斯海峽遙與魯西亞相接東北千島諸島或斷或續直與魯西亞之堪察加相連東南面太平洋西南爲琉球諸島與中國之臺灣等處相對長凡五百餘里廣凡三十餘里或至六十餘里地形修長山脉自北而起至陸羽之間曠輿高峻旋分數脉皆蜿蜒西走而趨於東海東山北陸三道其至於信濃者爲淺間山至於甲駿之間者爲富士山此山挺立於東海中又分脉南出爲伊豆半島與海南羣島相連北陸道之一脉至加越之間者爲白山

立山其至近江者又分爲兩支一經伊勢太和聚集於吉野山而趨紀伊一西走分山陰山陽二道而至西海道經筑豐諸國而南折有阿蘇霧島等數峯盤踞肥後日向之間繼復參差出沒則琉球羣島也山陽及紀伊之餘脉由淡路島而至於四國爲雲邊山石鎚山諸山淡路島以西山陽四國之間島嶼密布是爲瀨戶內海其東口爲明石峽其東南口爲鳴門峽其西北口爲下關峽云東海北陸之大川皆發源於東山其東流者爲利根川其北注者爲信濃川其南注者爲天龍川西注者爲木曾川由近江湖而發則爲淀川云山陰道有江川四國有吉野川西海道有筑後川皆海內之巨川也全國多山惟武總之際平坦膏美所謂沃野千里之地故今爲帝都氣候寒暑大率中正北方早寒多雪極南恒煥物產豐饒尤富五穀上古名大八

一ノ一三
一
洲神武天皇起於日向定都於大倭之檀原賜功臣推根津彥
等以地名曰國造疆域日闢至成務朝隔山河而分國縣隨阡
陌以定邑里以東西爲日縱南北爲日橫凡爲國百四十四推
古以降兼置國司及孝德朝各州徧設國司郡司諸吏多以國
造任之於時漸省國爲郡文武帝之大寶中又因山海形勢分
六十六國內稱畿內外分七道國司限年遷任治所稱爲國府
至嵯峨朝大國十三上國三十五中國十一下國九凡四等共
六十八國於是古制一變而爲郡縣昇平日久藤原氏世專國
權國司多在京以吏代治公卿之莊園皆以家人爲地頭徧於
七道治體漸變及源賴朝開府鎌倉執兵馬之權裂地以授家
臣文治元年奏請置守護地頭往往世襲國司復不赴任於是
封建之勢漸成建武中興命以功臣爲守護使就國司治所至

足利氏分國郡而封家臣稱爲守護二管領四職以下皆以地
傳之子孫正平四年置關東管領以鎮鎌倉統八洲及與羽於
是形勢一變而爲封建應仁以降天下大亂羣雄割據諸道互
相吞滅織田氏興畧定東海東山畿內山陰諸地豐臣氏繼之
海內邊平羣雄服從其大者六姓德川島津毛利
上杉前田佐竹其次三十餘
家慶長五年關原役畢德川氏統率諸氏分封其子弟功臣其
後加削增減頗易舊封慶應中凡二百七十一藩王改革新更
建藩十四旣而分奧羽爲七國改蝦夷稱北海道分十一國明
治四年廢藩置縣復爲郡縣之治凡五畿七道七十三國二京
三府六鎮三十六縣移都於東京設開拓使以經理北海道封
琉球爲藩王此古今沿革大畧也自設府縣離合分併朝令夕
改而古來所分國郡雖迭經羣雄割據各以威力跨三四州或

八九州而國郡舉沿用舊名未有變革數百年來莫不皆然今

仍以國分敘別以府縣沿革編之爲表而附以地理諸表焉

畿內日本少名山巨川而平岡細流乃不可勝數今第錄取山之較高者水之較長者其關於名勝居於衝要者附及焉

山城 東至近江西至丹波攝津南至伊賀太和河內北至丹

波東西凡六里南北凡一十五里東北西三面羣山環圍別有

山脈自近江太和而來者又擁抱其南西南稍坦美加茂宇治

等諸水會淀水而南注景致秀麗名祀大刹勝境頗多風俗儉

嗇作業尤勤都人皆約飲饌而喜服飾自桓武帝延歷十三年

奠鼎以來歷朝之皇都也郡數凡八村數四百曰葛野村數八十愛

宕村數六乙訓村數五十紀伊村數二十宇治村數三久世村數三

數綴喜村數五十相樂村數八田圃凡一萬九千一百七十二

町五段一畝二十四步六釐三毫其山嶽有嵐山葛野郡大野川之西雖不

甚高而以愛宕山北叡山如意嶽其河渠有賀茂川木津川一
櫻花得名山城川發源於伊賀名張川自相樂而來容上野川西流而受
布目布常等諸水至木津而北流及綴喜郡八幡而會淀川又
有輪韓川泉川之名自伊賀界至於淀川宇治桂川二水至淀
八幡長凡十三里闊五町四十間而合流稱爲淀川西
南流至綴喜乙訓兩郡之間而合木津川經河內攝津二州之
界過大坂入海詳於攝津淀至州界二里二十八町闊三町

太和 東至伊賀伊勢西至河內南至紀伊北至山城東西凡

一十餘里南北凡二十五里全州山嶽居其半南方一帶疊嶂

連亘其平坦處有北山十津二水縈紆其間而達紀伊北方頗

平曠肥腴吉野太和二水橫貫之神武初都橿原即葛上郡登

山而望曰美哉國乎其如蜻蜓之點水乎故國又名蜻蜓洲其

後子孫累遷都多在鄰邑然此爲肇基王迹之地魏志漢書稱

爲耶馬臺國卽太和譯音也至桓武帝乃遷於山城以歷世王

都所在勝區古蹟殆徧州內風俗簡素足觀昔日勤儉之化郡

數凡一十五村數一千四百一曰添上村數一百四添下村數七

數平羣村數八山邊村數一百宇陀村數一百三城上村數五

城下村數五十市村數八廣瀨村數三高市村數一百葛下村數

八十忍海村數二十葛上村數六十宇智村數六吉野至大之郡蓋

十五町數一田圃凡三萬四千九百八十四町零段七畝一十

七步九釐其山嶽有月瀨山在添上郡以梅花著三國山並跨

勢三畝山凡二里東金平山名梅林凡三十町武峯葛城山二上山並

河吉野山一名金峯山山上嶽稻村嶽彌山七面山釋迦山大

臺原山東南兼跨高見山其河渠有太和川有二源一發於山

於城上郡金平山各自西流至同郡和田村二水相會至山邊

郡之小島村而合布流川經城下廣瀨葛下三郡之北畧又併

奈長川富之小川飛鳥重坂葛城生駒等諸川西入於河吉野

內長八里十四町餘王子渡闊十三間上流為初瀨川云吉野

川源發於吉野郡大臺之原山西北流而經入之波和田大瀧

川菜滴立野至於上市又西流入宇智郡過阿施鄉五條上野

至相谷村而入紀伊長十六里三十
一町閨三町深一保下流詳於紀伊
流至丹生村有瀑布其高凡三十丈
瀧村又有瀑布是為王瀑云終入宇
川長九里十七
町開五十間
入紀伊之熊野川長二十二里九町八間
關一町上流名天之川下流詳於紀伊
南流經北山鄉至河口村而入紀伊
村來終注於熊野川長十一里闊一町三十間

河內 東至太和西至攝津和泉南至紀伊北至山城東西凡

四里南北凡一十三里峯巒擁於東南淀河繞於西北太和川

貫其中央土壤膏沃民俗純樸力於稼穡女子概為紡織及製

茶之業郡數凡一十六村數五百三十四曰交野村數二十九讚良村數三十

四町茨田村數六十若江村數六十河內村數二十八高安村數一十四

大縣村數一十一安宿村數四志紀村數十二澁川村數三十丹北村數一

五十丹南村數五八上村數一古市村數一石川村數四

日水國志卷十 六

錦部村數四十九田圃凡二萬四千八百七十二町四段四畝一十

九步三釐其山嶽有金剛山石川郡之東南自山下森屋村至千早村凡三里三十二町又二十

八町乃達山頂半葛城山其河渠有淀川自山城來西南流經交野茨田二郡之北

腹有千早城故址而攝津西成郡源委太和川自太邇來西流經大縣安宿二郡界而貫志紀郡合船橋村之

長關均詳於山城攝津石川而至丹北郡枯木村入攝津住吉郡長三

和泉東至河內紀伊南至紀伊北至攝津西至於海東西凡

四里一十四町南北凡六里東南憑山西北負海土地雖狹小

而甚為膏腴宜於五穀有魚鹽之利風俗柔和流於華奢但山

居之民猶存敦厚之風云郡數凡四村數三百三十三町數七十曰大鳥村數一百

零三町和泉村數八十泉南村數七十日根村數七十田圃凡

一萬三千九百五十町零五段一畝二十七步一釐五毫其山

嶽有槇尾山自和泉郡平井村始凡一里十四町山中有四十八瀑布三十六洞七越嶺凡一里十五町

山徑纒繞其河渠有石津川有二源一發大鳥郡之鉢峯名上

七盤而上川神谷川一發同郡陶器山名美井

川至草部村而相合又名岩部川西流經毛穴上石津諸村

至下石津村而入海長七里十一町四十五間闊三十間

攝津 東至河內西至播磨南至和泉及海北至山城丹波東

西凡一十二里餘南北凡九里平野開於東南羣峯連於西北

淀水橫貫其中海灣抱擁其外當坂府海陸之衝百貨貫輸人

民富庶中州之樞紐也風俗優柔頗流於奢靡古名浪速國自

仁德帝都高津宮今東成郡高津小橋孝德帝又都長柄豐崎宮西成郡長柄村

治承中平清盛奉安德帝徙都福原今兵庫未半歲復還舊都元

歷元年平氏再奉帝居此無幾奔於曠岐蓋古來一大都會及

豐臣氏興築大坂城而居之高壘深濠雄視諸國及其亡也德

川氏復修故城設城代置及騎步卒以防戍今亦設軍營駐鎮

臺焉郡數凡一十二村數九百四十五町數十七曰東成村數五十西成村數

一百四十 住吉 村數五十 島下 村數一百零 島上 村數六十 豐

島 村數八十 能勢 村數四十 河邊 村數一百七 武庫 村數五十 菟原

村數五 八部 村數三十 有馬 村數九十 田圃 凡三萬五千二百

五十七町七段三畝一十步零六釐三毫其山嶽有箕面山 豐

島郡平尾村始凡一里 武庫山 一名六甲山自武庫郡 其河渠

有淀川 自山城來西南流過本州及河內界至島上郡唐岸而

府城之北自難波橋下而分南北南稱為土佐堀北為裏川又

稱唐鳥川云共西流及中島而相會至江子島再分而為安治

川木津川遂入於海由山城界至是凡八里三十三町五十三

間自近江琵琶湖口勢多橋下始并宇治川通計共十九里二

長百十五間幅三間餘天神橋長百二十二間餘幅三間難波

橋長百十五間太和田郡及和泉界而入於海自河內界始凡

一里三十町三間海口間二町十間上流詳大和 猪名川 一名

河內由此越和泉界架一太和橋長八十間餘 川發源能勢郡丹波界宿野山稱大路次川至柏原村容桑栖

山田二水南流至河邊郡團崎村容倉垣川稱為庫川復至畝

野村合多田川東南流至豐島郡木部村受久安寺川解爲池
田川及河邊郡田能村而分爲二派東爲猪名川西爲藤川各
南流至戶內村共入神谷川源流武庫川發源丹波界有馬郡
共一十里餘闊一町四十五間
眾水名鹽田川南流至三田稱三田川至生野村容南鹽田川
舟坂川及波豆川稱爲生野川或生瀬川云過武庫郡容眾水
至鳴尾村而入海源流
十三里餘闊五町餘

東海道

伊賀 東至伊勢南至太和西至太和城市北至近江東西凡

七里南北凡九里四山攢合沿河之地稍爲平坦居民以薪炭

爲業者多風俗輕薄郡數凡四村數一百八十八町數二曰阿拜村數六十

山田村數二伊賀村數五名張村數四十田圃凡七千一百四

十五町四段六畝一步零七釐六毫其山嶽有高旗山大山嶽

一名首嶽自伊賀郡始凡一里布引山其河渠有伊賀川源有二

十四町東西南三方兼跨伊勢伊勢給鹿郡加太者名之振植川出近江甲賀郡信樂谷者名

之河合川至阿拜郡河合村二水相合西南流至服部村容服

部川至波野田村併長田川而稱伊賀川入山城遂會木津川長凡十五里隰凡一町服部川出山田郡布引山長谷川出伊賀郡人名張川一名梁瀨川有二源分東西二川東川發源伊山嶽云志郡太郎生村西流至夏見村而併河內川西川又名宇陀川出大和宇陀吉野郡界山谷入本州名張郡安倍田村北流併數小河至梁瀨銀冶町與東川相會為名張川西流及山城相樂郡大河源村而合伊賀川長凡十二里十八町闊凡一町餘

伊勢 東南皆海西至近江伊賀大和東南至志摩西南至紀

伊北至美濃尾張東西一十二里狹處四里南北凡二十七里

餘西南山嶽連亘東南則面大洋土壤肥沃鱗介殊富習俗喜

騁便巧其服賈者最稱慧黠郡數凡一十三村數一千三百零七町數一十日

桑名村數一百六十六町數一員辨村數一百一十二朝明村數六十九三重村數九十一

河曲村數三十鈴鹿村數八十奄藝村數五十安濃村數八十

一志村數一百三飯高村數一百零飯野村數四多氣村數一

度會村數一百九田圃凡五萬七千九百四十三町零段九畝

二十二步八釐四毫其山嶽有鎌嶽

二里十八町與近江爲界御在所嶽

十八町與堀坂山局嶽白猪山嶽舟人之望標也

其河渠有

木曾川

自尾濃界而來及桑名郡油島村而合岷斐川成爲二派繞長島而至桑名入海川口闊十二町五十間其東

新田而入於海上流詳於信濃美濃尾張

雲出川

發源一志

及川上村丹生俣村等東北流併大村川八手俣川諸水至久

里十二町關三

宮川

發源伊勢大和紀伊之州界大臺源巴淵町二十八間合多氣郡濁川度會郡大内山川藤川東

流而至圓座村受橫輪川注小林村而入海源長三十二里八町關二町

志摩

西北至伊勢東南及北三面臨海東西凡三里南北凡

七里地脈自西北而來海表則盤互曲折港灣環抱船舶必由

之所也土壤褊少薄瘠但頗饒鱗介之產風俗良樸居民勉於

農漁郡數凡二

村數五十一曰答志

村數三十

英虞

村數一田圃

凡一千七百五十八町八段三畝一步五釐其山嶽有日和山

自谷志郡鳥羽町始一里三十間餘直立一百九十淺間山在

二尺舟人每登山嶺皇風雨小陰晴以定開帆云

度郡迤子村之東北

尾張 東至三河西北至美濃西南至伊勢南至於海東西凡

八里南北凡一十九里地勢平衍並無高山木曾川繞其西北

雖頗有灌溉之利而不能無泛濫之患東方一帶受三濃諸峰

之餘脈岡阜起伏突出南海土質膏沃米穀豐美知多一郡最

稱富饒風俗温和作業尤力郡數凡八村數一千零九曰愛智

村數一百五知多村數一百四春日井村數二百零丹羽村數

十六町數三中島村數一百六海東村數一百四海西

町數一葉栗村數三田圃凡七萬三千三百二十八段一畝一步九釐

其河渠有木曾川發源信濃筑摩郡至本州丹羽郡分爲五條

郡野田村而東分爲佐屋川未流又分數派而入於玉野川美濃

海由美濃界始凡十二町開凡十町源流詳於美濃

之多治見川土岐川三河之猿投川等相會而名爲玉野川西
南流至春日井郡福徳村併矢田川爲庄内川南流經愛智郡
至永徳新田而入海源長凡
二十二里闊凡三町二十間

三河 東至遠江西至尾張北至美濃信濃南至於海東西凡

一十六里南北凡一十七里山脈連於東北渥美郡之地勢如

伸臂然與尾張之知多郡相對又如拱抱者州内有矢作太平

豐川三大河故以名州云土壤肥饒相半風俗純厚居民力農

德川家康創業之地也郡數凡八村數一千四百五曰碧海村數

一百七十額田村數一百八賀茂村數三百五幡豆村數八十

九町數三寶飯村數一百設樂村數二百三八名村數七渥美村數一百

二田圃凡四萬六千四百二十三町五段八畝五步其山嶽有

猿投山本宮山其河渠有矢作川一作矢矧發源美濃惠那郡

賀茂郡又南流至渡合村合足助川經額田郡岡崎之西過碧

野郡河野川島等之東至前濱新田入海長凡二十八里餘闊

凡三町二發源設樂郡神山之麓西南流爲設樂郡及八豐川名郡之界至有海村合寒狹川南流經渥美郡

豐橋而入海長凡十七里
十八町隔二町四十五間

遠江 東至駿河西至三河北至信濃南至於海東西一十八

里南北二十里北方一帶山脈自信濃而來頗爲深阻迤南漸

平坦大井川限其東天龍川貫其中瀕海衍沃多川澤時憂漲

溢風俗樸陋其民專以茶楮爲業氣候温煥但平時多風七十

里洋航行最稱危險云郡數凡一十二村數一千七百五曰濱

名村數敷智村數一百四引佐村數五十麤玉村數長上村數

二十村數豐田村數二百七盤田村數一山名村數一周智村數九

數佐野村數九十城東村數一百一榛原村數一百四田圃凡

四萬零八百二十零町八段七畝二十五步三釐九毫其山嶽

有粟嶽一名無間山山勢秀黑法師嶽凡六朝日嶽凡七其河

拔海路之望標也

渠有大井川

有二源發於信濃甲斐界之白峯為東候川西候川合流併諸瀾水西貫本州榛原郡東貫駿河志

大郡之界直南流至榛原郡川尻飯瀨兩村之間而入海源凡四十六里餘海口闊十八町此河為遠江駿河之界洪水每至

川瀨每變是以榛原郡天龍川發源信濃諏訪郡諏訪湖自豐

之十數村今在河東也

西北隅而貫中央至同郡小川村合氣田川至渡鳥村又合阿

多古川分流抱瀨崎等數村及松木島復合至掛塚村而入海

自州界始長凡三十里餘闊七町半源流詳於信大田川發源

濃氣田川者發源周智郡山住村長凡十六里

郡三倉村南流至周智郡大鳥居村而併吉川經森町水始稍

大至豐田郡向笠村而合敷智川乃名大田川至山名郡沖村

併原野谷川由大島村而入海長凡十五里原野谷川又名二瀨川諸井川發源同郡居尻村長凡十里

駿河 東至相模伊豆西至遠江北至甲斐信濃南至於海東

西一十八里南北一十二里富嶽北方挺立山脈與相豆相連

西北諸峯自甲信而來富士川貫其中央土性黑礫頗宜茶麥

甲信接壤之處立夏每噴霜菽麥不育瀕海之地稍平曠有魚

鹽之利其俗和易流於情慵郡數凡七村數七百九十**曰志太**

村數一百 **益津** 村數三十 **有渡** 村數一百零 **安倍** 村數一百二

二十八 **庵原** 村數八十 **富士** 村數一百五 **駿東** 村數一百六 **田圃** 凡三

萬零 一百五十町零七段六畝一十七步五釐四毫其山嶽有

富士山 跨居富士郡及北甲斐郡留八代二郡國中第一高山

同四時戴雪浩浩積白蓋終古不化十三州皆望之本噴火山

山巔猶有巨洞在駿東郡須走村凡五里在富士郡村山村凡

八里在甲斐郡留 **七峯** 其河渠有 **安倍川** 有三源一出安倍郡

郡吉田村凡十里 一出井川鄉大日嶺之北名中河內川云一出橫澤名西河內

川至下落合而合中河內川至中澤又合大河內川稱爲安倍

川南流及向敷地村容養科川至有渡郡中

島村而入海長二十里餘闊五町三十八間

甲斐 東至相模武藏南至駿河西至信濃北至於信濃武藏

東西凡二十五里南北凡二十五里餘位居富嶽之陰四山環

峙地勢險厄中央平坦多美田富材木蠶桑諸水皆會富士川

而南流風俗慍悍郡數凡四十町數六 **曰都留** 村數一百零

山梨村數一百四八代村數一百五巨摩村數二百六田圃凡

三萬七千九百三十九町一段零二十三步六釐九毫其山嶽

有奧仙丈山在山梨郡凡七里餘本郡極北諸山巒冒與仙丈之名云金峯山凡六駒嶽凡

里白峯在巨摩郡蘆倉村凡十里本州第一高其河渠有笛吹

川一名子酉川發源山梨郡德輪山南流至八幡南村勢頗湍急及大野村而受重川至一町田中村而合日川西南流至

落合村又會金川西流及巨摩郡二川村而合荒川至八

代郡市川大町村名富士川長二十里餘闊四町十間金無

川發源巨摩郡駒嶽北流及大武川繞教來后東南流至宇津

內村而名富士川笛吹川全無川蘆川之三水至八代

長十七里闊六町富士川郡市川大門村巨摩郡今福之間而

相合名富士川南流併早川至八代郡榮村而入駿河由桂川

大門村至州界長十三里闊六町四十間下流詳於駿河桂川

發源都留郡山中村山中湖本北流至境村而東流及花笑驛

而合篠子川又東北流至猿橋驛兩岸相縮湍流尤急過鶴島

村入相模遂為相模川云自源至州界長三十里闊一町四十間下流詳於相模

伊豆北至駿河相模東西南皆至於海東西七里一十二町

南北一十四里餘山脈自相模來南走至半島而止餘脈入於

海或起或伏而成百餘島岬焉土地磽确民俗質樸概以薪炭

獵漁爲業郡數凡四村數二百八十二町數二曰君澤村數七十田方村數

那賀村數一十七賀茂村數一百二十二町數一田圃凡八千三百零四町四段

零三步三釐二毫其山嶽有箱根山在君澤郡由山頂至相模界凡三里餘天城

山古名狩野跨州內四郡直立凡四千七百餘尺多產良材鳥帽子山一名御嶽又名淺間

直立一千八百尺高峻之極不可攀躋以地瀕海故航海以爲望標其河渠有狩野川發源天城

池至田方郡湯島村名爲湯島川又合貓兒川而北流至加殿

村復合大見川修善寺川經大仁三福南條原木鹿田諸村及

君澤郡御齒長福二村而至駿河駿東郡其島嶼有大島有八

丈島周四十餘里海岸巉岩深三四椽至六七椽殊不便碇泊

三分之一物產豐殖氣候溫煥若別一天地言語風俗亦殊於內地云八丈島之南爲小笠原羣

島大小八十九島最大者爲父母二島餘兄弟姊妹諸島比肩

齊列若環立者全島山谷深阻地質磽确然氣候恒煥能蕃殖茂木眾草古無人居文祿中小笠原貞賴航海始尋得故名以其氏後屢謀開拓終不果文久中德川氏派使巡測議墾闢以事中止其後英人上書言此島非日本所有幸以遣使故援證答辯英人乃不復爭今改隸於東京府其山嶽有旭山島中最高山其河渠有八瀨川在北袋澤本島第一之川流也闊凡十五間八所溪澗相合西流入海水深不測舟楫可

通夏秋之交時虞漲溢

相模 東至武藏西至甲斐駿河南至伊豆及海北至武藏東西凡一十四里南北凡一十一里西北多山與三州連彙東方則坂阜起伏斗入於海與房總諸州相對江戶灣之門鑰也南方稍平衍諸水順下酒勺尤宜於灌田馬入每有洪漲之患西南地味肥沃頗饒米穀魚介西北之民專以採薪養蠶爲業風

俗穩和稍不免於輕薄自源賴朝開府鎌倉以管領關東諸國
即鎌倉郡是也其陪臣北條氏執權廢立將軍者六世然歷世

自稱相模守即此州守也郡數凡九村數六百五十曰足柄下

村數八十足柄上村數九淘綾村數一十大住村數一百一愛

甲村數四十津久井村數三十高座村數一十鎌倉村數八十三

浦村數七十田圃凡五萬零五百九十九町七段三畝七步九

釐一毫其山嶽有箱根山西南跨伊豆由小田原至山頂伊豆

前關萬夫莫敵為東海道第一險要德川氏設其河渠有相模

關於此以講察往來行旅明治以後乃廢之云川發源甲斐都留郡山中湖名桂川入本州津久井郡小淵名

倉二村之間乃東南流至厚木町而合中津川小鮎川又南流經高座大住郡界至大住郡馬入村為馬入川至須賀村高

座郡柳島村之間而入海在州界長十八里餘馬入村渡口闊三町十六間上其湖沼有蘆湖在箱根山頂周迴四里餘深四

流詳於甲斐里至小田原其港灣有橫須賀在三浦郡港口凡十町水深二

而入於海

武藏東至下總西至信濃甲斐南至相模北至上野東北至下野東南至於海東西凡二十六里南北凡二十五里利根川繞其北境江戶川限其東北山脈自西而來地勢隨而東有秩父多摩諸山南北闊曠野數十里大遠四達人烟相屬其東南隅卽東京皆古所謂武藏野之地也全國最稱坦沃初江戶屬於扇谷氏後爲北條氏所滅北條氏亡德川氏遂遷居焉先是德川家康起三河豐臣秀吉語之曰江戶霸氣之所鍾子宜築城爲根本地家康旣徙居築石爲城高壘深濠一如大坂任將軍統列藩者凡十五世及德川氏還政參與大久保利通以山城地狹請擇地遷都明治元年乘輿東臨遂因幕府爲宮殿焉物產五穀豐饒兼有魚鹽蠶桑之利風俗則都邑以輕佻豪俠自喜流於侈靡惟僻邑猶存樸實之風郡數凡二十二

村數二千九百

四十二町曰豐島村數一百零葛飾村數二百八足立村數四

數三十五町曰豐島村數二百零葛飾村數二百八足立村數四

町數一十町曰高麗村數一百比企村數一百橫見村數四大里村數

數一十町曰高麗村數一百比企村數一百橫見村數四大里村數

美村數二那珂村數一秩父村數八多摩村數三桶樹

村數一十七町曰那珂村數一秩父村數八多摩村數三桶樹

三千五百一十町八段一畝二十九步二釐八毫其山嶽有三

峯山在秩父郡合雲採白雲妙法嶽而稱三峯慈光山在比企

山東南望房總諸山合而稱慈光三其河渠有荒川發源秩父郡

北折又東北向經男衾榛澤二郡之界入大里郡明戶村過熊

谷驛之南又東南流入橫見足立郡界至比企郡松永村而容

市川及上老袋村又合入間川至東京之北南流乃名爲隅田

東京箱崎町邊二町四十間府下架五大橋永代橋長百四間

幅六間新大橋長百八間幅三間三尺兩國橋長九十間幅六
間橋長八十六間幅三間二尺大川橋長八十四間幅三間
三尺千住驛亦架大橋中川古在埼玉郡佐波外野之間從利
長六十六間幅三間根川之南而分流天保中築堤以
後利根川分支之細流數條相合而爲一河至川口村合會川
注琵琶湖井又南流過葛飾郡戶崎之西經埼玉郡珣村足立
郡六木新田之間與荒川之分流合爲綾瀨川至葛飾郡新病
抵砂村新田而入於海戶崎村之上古名利根川下名中川長
二十一里十七町三入間川發源秩父郡名栗村東流一里許
十七間闊凡一町半入間川入高麗郡赤澤村至野村經高麗
入間二郡之界又東北流至平塚新田入入間郡紺屋村又東
流而合越邊川及上老袋村又合荒川上名栗川下稱入間川
長凡十八里多摩川一作玉川發源信濃入甲斐郡留郡黑川
闊凡一町餘多摩川東流而至丹波山村有黑川一瀨川丹
波川之稱復東流入多摩郡留浦村而名多摩川至青梅村下
曲折六十八盤入秋川至稻荷新田之間而入海長凡三十八
里最闊處八町二十間下流名六鄉川近頃架一橋長六十間
幅三間上流凡四町餘因蒸氣車通行之故又架鐵橋長六十
六間四尺幅四
間二尺四寸

安房 北至上總東西南皆至於海東西十里南北七里北方
一帶山脈橫亘以爲州界支脈南走而貫州中蓋趨於半島之

地也地勢險阻西邊稍平曠土壤肥磽相半風俗樸陋民業農
漁相雜魚介之產殊饒海澨萬石起伏峭壁萬仞純骨無肉蓋
飽經風濤日刮月剝故成此狀石匠腐集伐石爲材以輸運東
京鎚鑿之聲遠近相應故土人又多以鋸工爲生計郡數凡四
村數二百九十二町數三曰平羣村數七十安房村數九十長狹村數六朝
夷村數六田圃凡一萬零二百一十三町二段五畝二十二步
一釐

上總 南至安房北至下總東西至於海東西凡一十四里南
北亦同南方負山迤北而漸平衍與下總曠野相接東方一帶
海積亘於三郡有九十九里濱與下總連漁業最盛之處也地
質墳堅又有斥鹵風俗頑悍郡數凡九村數一千一百曰天羽
村數七周淮村數一百零望陀村數一百九市原村數一百八
十六
八町數一

夷隅村數一百七十 植生村數四十八 長柄村數一百二十九 山邊村數一百三十一

數一町武射村數一百一十一 田圃凡六萬二千四百九十八町九段七

畝一十八步零六毫其河渠有夷隅川一名大多喜川發源安房州界夷隅郡臺宿村 一宮川郡笠森村

北流十餘里過大多喜又東折從大福原兩一宮川郡笠森村 經長柄郡界入於海長凡二十里闊一町

東流植生郡界遂併長柄郡小林味莊千代尤及植生郡茗荷澤芝原五村之水至一宮本鄉而入海長凡二十里闊一町

養老川發源安房清澄山背經夷隅郡藤村入市原郡西北 流至五井而入於海長凡二十里闊二町三十間

櫃川一名久留里川有二源一出安房清澄山一發望陀郡香木原村共與川俣合經久留里而西北流至久津間而入

海長凡二十里其港灣有九十九里濱自長柄郡至下總上郡摠里闊一町餘其港灣有九十九里長凡十五里海濶平淺灣如一弓魚鱉之利尤多一網所獲積如山阜居民賴之殊為富饒云

下總 東至海西至武藏上野南至上總及海北至常陸下野

東西凡二十二里南北凡一十七里餘州內無山原野居四分

之一利根川分派在西北二方界巨浸灌之漕輸頗便然沿河

之利根川分派在西北二方界巨浸灌之漕輸頗便然沿河

之地時被水患其土赤墳少石五穀皆宜風俗澆薄郡數凡一

十二村數一千六百一十一町數一十一曰千葉村數一百一十二町數一葛飾村數三百三十一町數三

猿島村數八十町數一結城村數五十町數一豐田村數七十町數一岡田村數十三町數五相

馬村數一百三十四印旛村數二百四十一埴生村數六十二香取村數三百零八町數二

匠村數八十二海上村數七十五町數一田面凡一十二萬零二百四十九

町四段一畝二十一步一釐三毫其河渠有利根川發源上野利根郡栗

原材之文殊山東下至本州葛飾郡中田驛及武藏葛飾郡栗

橋驛之間名為上利根川分流為南北二道南派由栗橋驛至

本州葛飾郡川妻村之間經武總之界出關宿之西向河岸村

江川新田之間名為權現堂川長二里二十二町四十五間關

二町三十五間又東北流名逆川受赤堀川而東流即利根本

流也赤堀川即由中田而分有北派至關宿之北山王村及後

島郡境町之間而合逆川長二里二十一町十九間關二町五

十五間合本流二水其關倍增東流容葛飾沼猿島郡長井戶

沼市谷沼鶴戶沼之水并相馬郡鬼怒鷺養之兩川至南相馬

郡江藏地新田北布川驛之間栗橋以下名為中利根川長十

里二十二町四十一間關二十一町從此以下為下利根川併

印旛郡手賀沼印旛沼埴生郡長沼之水過安西新田計由布

川至此長八里十五町五間闊七町二七間遂入香取郡容大浦沼又併田浦及常陸浪逆浦北浦等諸水至銚子港而八海從安西新田至此長凡十五里十一町闊二十五町二上流源委通長七十餘里爲日本第一大河故以坂東大郎稱川又從香取郡中島村爲原新野之間分而橫出常陸霞浦牛堀別名橫江戶川利根川之支流也自葛飾郡向河岸村及間利根川云江戶川宿之南江戶町之間分派南流經武藏州界至堀江村而入海長十七里三十鬼怒川一作絹川自下野來三町五間闊一町五十七間云鬼怒川南流經結城岡田豐田三郡至相馬郡大木新田會中利根川從州界始長十一里二町三十一間闊九町三十八間上流詳於下野

鷺養

川一作小貝發源下野鹽谷郡高谷村經常陸眞壁筑波二郡而南流至相馬郡平沼村而東流及高須村復南流至小文間村會中利根川從州界始長十四里三十

三町七間闊十町五十間上流詳於常陸

常陸 西至下野下總南至下總北至磐城東至於海東西凡

十一里一十八町南北三十里一十町磐城之諸山分岐而南

走那珂久慈二水劃而東流筑波峯突起其東南山勢迤北與

下野諸山連南方多平原眾水西來滙於霞浦而注於海地宜

桑楮海濱曠漠魚鹽頗富民俗勇悍褊固乏敦厚之風郡數凡

一十一村數一千七百三曰筑波村數一百七河内村數一百

數信大村數九新治村數一百八行方村數八十鹿島村數一

町數真壁村數二百六茨城村數三百零那珂村數一百二久

慈村數一百四多賀村數八田圃凡一十三萬八千七百五十

七町四段六畝二十七步六釐五毫其山嶽有筑波山跨筑波

壁三郡雙峯對峙西為男體東為其河渠有蠶養川一作小貝

女體直立凡二千二百二十六尺

野鹽谷郡高谷村南流經本州真壁郡繞筑波郡西南界入下

總相馬郡而注中利根川長凡二十三里十八町闊二十町或

至五那珂川自下野來東南流至那珂港而入海入本州長十

十間那珂川二里闊一町三十八間或至二町四町行能通

凡十里久慈川亦久慈川發源八清山經磐城白河郡本州久

同上流詳於下野久慈川其湖沼有霞浦橫亘河內信太行方

其漲溢至二町餘云

三十六里東西七里十町十間南北六里三十三町下流為

逆浪浦併北浦合利根川而入海湖中多產魚蝦尤饒景物

東山道

近江 東至伊勢美濃西至山城丹波南至伊賀北至若狹越

前東西凡一十二里南北凡一十九里山勢自濃越來分東西

二脈各南走為四鄰之界大湖居於州之中央波光嵐影上下

映帶眺觀佳絕其地控帶畿內當三道之要衝土肥民富風俗

伶俐頗長於商賈郡數凡一十二村數一千四百五十一町數一十曰滋賀村數

七十八町數三高島村數一百二十九町數二栗太村數一百一十甲賀村數一百三十四町數一野洲

村數七町數七蒲生村數二百一十四町數二神崎村數八十六愛知村數二十六犬上村數

一百一十町數一坂田村數一百八十五町數一淺田村數一百四十四伊香村數七十七田圃

凡六萬六千四百八十二町二段八畝四步零八毫其山嶽有

比叡山屬滋賀郡跨居山城直比良峯在比叡山之北直立石

山自滋賀郡山麓始凡六町奇石怪巖青御池嶽山上平坦有

白相間其平榮帶勢多川殊有美景池有

愛知郡并其河渠有橫田川發源甲賀郡諸山及伊勢鈴鹿山

洲郡稱野洲川至川田村而南北分流南經水保村之南而至

其湖沼有琵琶湖以形似得名又有淡海鵜海之稱亘十一郡

川而注山城周回七十三里東西五里南

美濃 東至信濃飛驒西至近江伊勢南至尾張三河北至越

前飛驒東西凡二十六里南北凡一十九里東北山嶽連續更

南走而入三河西北山脈自越前而來為江勢之界中央及西

南多平原木曾川貫流其中殊有灌溉之利地味膏腴五穀皆

宜風俗質直好勇西南之民頗喜豪華郡數凡二十一村數一

五十二町日石津村數七十多藝村數六十一不破村數四池田

村數六 大野村數一百一安八村數一百五海西村數二中島

村數三 羽粟村數六十厚見村數五十本巢村數六十席田村

十一

九方縣村數五山縣村數四各務村數三武儀村數八十郡上

村數一百六加茂村數一可兒村數七土岐村數四惠那村數

十四町數一凡六萬三千八百四十五町零二十一歩四釐其山

嶽有惠那嶽一名覆舟山自惠那郡中津川村始凡四其河渠

有木曾川自信濃來西流入惠那郡至加茂郡川合村而會飛

都又分流入美張名佐屋村其一至小藪村合長良川入尾

張伊勢由桑名而歸於海由信濃州界至桑名長凡三十五里

中島郡大浦村渡場間八町三十間大田川鶴沼川起川秋江

川等各因其地而有數稱源詳於信濃下流詳於伊勢美張

長良川南流經山縣厚見方縣本巢郡又南流至安八郡堀津

而有三派東過海西郡至中島郡小藪村而入木曾川有郡上

川河渡川墨股川之數稱長三十二里闊六町餘西為大樽川

過安八郡至土倉揖斐川發源大野郡德山谷南流為大野池

村而會揖斐川田二郡界合安八郡諸流歷石津郡

入伊勢自桑名而歸於海有株瀨川呂久

川澤渡川等數稱長三十里闊凡五町

飛驒東至信濃西至加賀美濃南至美濃北至越中東西凡

一十七里南北凡二十里地勢最高萬山四周西北兼峻嶺險

流棧道編筏僅通往來雖乏米穀而產良材工匠以養蠶爲業

風俗樸陋郡數凡三村數五百一十三町數三曰益田村數一百二十五大野村數一百

五十九町數一吉城村數二百二十九町數二田圃凡九千一百九十一町八段七

畝一十六步其山嶽有乘鞍嶽橫亘三郡而並跨信濃自益槍

嶽在吉城郡凡六里十八町其河渠有益田川發源益田郡乘鞍嶽大池西

大野郡復貫益田郡入美濃武儀郡而名飛驒川宮川發源大

至美濃州界長三十里闊四十間下流詳於美濃

村及川上嶽合川上川小八賀川諸流北流經吉城郡至谷村

會高原川入越中婦負郡爲神通川至越中州界長二十二里

十八町闊一町十白川有二源一發大野郡寺河戶村山中爲

間下流詳於越中白川上白川北流一發白山水瀑爲大白

信濃

東至甲斐武藏上野西至美濃飛驒南至駿河遠江三

河北至越中越後東西凡二十三里南北凡四十里餘山脈自

東北始南與武甲相連起中央者南分二脈西南至木曾諸山

最峻奧多產良材北陸南海二道之三大河皆發源其間而南

北分流可見其地勢之最高也河中島一帶稍爲平曠土性磽

瘠民多以養蠶爲業物產之富本州推爲第一風俗頑樸郡數

凡十一村數一千五百零曰筑摩村數一百零伊那村數一百一

安曇村數一百零諏訪村數七十更級村數一百一水内村數三

一町數一高井村數一百七埴科村數四十小縣村數一百九佐久

村數二百七 田圃凡七萬九千九百二十町八段四畝二十一

步五釐四毫其山嶽有茶磨嶽在木澤村穗高嶽在安曇郡四

阿山在高井郡凡六里入淺間山噴火山也在佐久郡分驛

也其河渠有木曾川發源筑摩郡荻曾村之西西南流經福島

山口村入美濃過尾張伊勢而入海至美濃州界長天龍川發

諏訪湖西南流過伊那郡合三峯川大田切川大橫川等諸水貫遠江而入海至遠江州界長凡三十里餘關凡二町四十間下流詳千曲川縣發源佐久郡南甲斐金峯山西北流經佐久小於遠江而會犀川兩川之間名川中島又北流爲水內高井二郡界入越後爲信濃川至新瀉而歸於海至越後州界長凡六十里最闊處凡七町四十間餘狹處犀川發源筑摩伊那郡界駒嶽上三町三十間下流詳於越後犀川流爲奈良井川北流合田川而入於千曲川經安曇郡界而會梓川遂過川中島其湖沼有諏訪湖在諏訪郡高島之邊橫亘數村周回四里餘深凡七湖仅世人稱爲鵝湖有八勝之名下游卽天龍川也

上野 東至下野西至信濃南至武藏北至越後岩代東西凡

二十三里南北凡二十五里山勢自岩代越後來連於信濃西

北最重疊利根川發源於其極北眾水會同號爲洪流東下爲

武藏界東南夷沃饒於蠶桑長於纘織勤於商賈繁富之區也

風俗健黠郡數凡一十四村數一千一百八曰吾妻村數八碓

冰村數七十羣馬村數一百九甘樂村數一百三片岡村數多

四町數一

湖林數八
綠野村數四
利根村數十三
勢多村數七十一
山

田村數六十
那波村數五十
佐位村數三十
新田村數一百

樂村數八十
田圃凡九萬七千七百零八町六段八畝二十七

步三釐四毫其山嶽有妙義山一名白雲山在甘樂郡中嶽一

中以奇秀隣立御荷鋒山樂多湖綠野三郡其河渠有利根川源

種稷郡藤原村之奧文殊山下南流及月夜野町而合赤谷川

及岷山而合發知川薄根川過沼田會片品川及羣馬柳白

井又容吾妻川至新町又合廣瀨川分派猶有數派過前橋稱

東下及那波郡沼上村而會鳥川至中島再合橫瀨川東流至

邑樂郡大久保村而入武藏至埼玉郡本鄉會渡良瀨川經下

總而入海下流詳於下總自厩利根勢多羣馬那波佐位新田

邑樂七郡會合諸水漸成巨流至武藏州界長凡片品川利根

二十八里餘闊四町四十間名之為上利根川云尻沼之下流

郡戶倉村山中尾瀨原南流及東小倉村而受大尻沼而入利

併合塗川平川利根川自穴原村而西折自沼田新町而利

根川長三十間神流川發源甘樂郡濱平村山中東北流合野栗

里關三十間澤川思川至綠野郡笛木新町而會鳥川

長二十五間

下野 東至常陸西至上野南至上野武藏下總北至岩代磐

城東西一十九里南北二十五里大山脈界於西北西方最險

峻至日光極其秀拔州之中央地勢平衍官道如砥絹川貫流

之但地半礮瘠民多植苧麻製紙漆布帛之產與上野相伯仲

風俗頑陋郡數凡九村數一千三百七曰安蘇村數四十足利

村數四十梁田村數二都賀村數三百八寒川村數一河內村

二百零三芳賀村數二百四鹽谷村數一百那須村數二百六

田圃凡一十一萬八千四百七十四町三段一畝六步九釐九

毫其山嶽有日光山在都賀郡又名二荒山最高者黑髮山直

於此全碧樓臺窮極壯麗西茶臼嶽噴火山也其北有月山等

客來遊足迹必至之地也其河渠有鬼怒川一作絹川古名為毛野川

脈相連及川沼村合五十里川至河內郡大渡村合大谷川南那珂川

流而入下總終會利根川長凡三十里闊一町四十間

發源那須郡男鹿嶺頂之男鹿沼東南流及寒井村而合黑川
南流經黑羽及佐良土村而合常川漸東南流過鳥山及野上
村而合荒川又東流至芳賀郡小深村而入常陸由渡瀨川發
源至此長凡三十里間一町四十間下流詳於常陸
都賀郡日光山安蘇郡庚申山之間南流過足尾入上野又東
南折而再入本州及足利村小俣村而容桐生川東流及都賀
郡下宮村又合安蘇川而入下總至古河與
思川共入利根川長凡三十里間凡二十間

磐城 東至海西至岩代羽前南至下野常陸北至陸前羽前

東西凡二十二里狹所五里餘南北凡三十三里餘山脈南走

而連下野又向東支出界常陸地形與岩代犬牙相錯阿武隈

川貫流之西隅接陸羽之大山山谷幽邃地勢隆窪不一礪礪

居半瀕海一帶稍平遠有魚鹽之利而港灣淺小不便漕運風

俗樸陋孱弱郡數凡一十四村數一千零八町數八曰白河村數一百零六町數一

百川村數九十一町數一石川村數七菊多村數六磐前村數一百一十二町數二磐

城村數五十一町數一田村村數一百四檜葉村數四十四標葉村數六十四行方村數一百

二十字多

村數五十町數一

亘理

村數二十六

伊具

村數三十町數一

刈田

村數十三町數一

田

村數三

田圃凡七萬五千五百零八町八段零一十步九釐其山嶽

有旭嶽

自白河郡鶴生村溫泉始凡五里餘並跨岩代直立凡二千五百九十九尺

其河渠有阿武隈

川

發源白河郡旭村及甲子山中雄瀑東流凡九里過白河町入石川郡北流而入岩代谷諸水漸成巨流至田村郡復貫

岩代之安達信夫伊達三郡之間逸東而入伊具郡又北流至陸前州界東折至亘理郡荒濱而入海長凡五十里關十町詳

代於岩

岩代

東至磐城西至越後南至上野下野北至羽前東西凡

二十里餘南北凡二十一里餘陸羽之山脈蜿蜒來自北一西

折轉南界羽越又鬱積接二野一南走貫州中人磐城其東爲

阿武隈川北流通漕運但時有秋漲之患猪苗代之巨浸同眾

水注於西疆亦便漕運河干之地大槩廣坦宜於蠶桑風俗樸

摯福島近傍亦有浮薄之風郡數凡九

村數一千四百一十九町數一十四曰會

七畝二十六步其山嶽有酢川嶽八幡平自鹿角郡谷内村始凡六里山頂方六里

大國平亦在鹿角郡凡七里其河渠有北上川發源岩手郡御堂村南流合松川栗石川凌石川和

賀川及諸支流至黑川尻水勢漸大貫流岩手紫波神貫和賀

四郡凡四十里餘至膽澤郡相去村合宿内川膽澤川等又南

流入陸前登米郡漕運殊便源長七十六里餘闊二町餘下流詳於陸前能代川一名米代川自陸

折合大湯川毛馬内川等由大欠發源九戸郡遠別村而西流入羽後下流詳於羽後馬淵川西北流而入陸奥下

陸奥 南至陸中及羽後東西北皆至海東西凡三十九里南

北凡四十餘里東西二隅曲折相拱容海隔津輕峽對北海道

山脉起中央南走支脈西折劃羽後東方曠野相接多不毛之

地西疆土壤稍肥民勤耕種兼習獵漁風俗鄙野郡數凡四村數

二千三百一十 曰津輕村數一千零 北村數四百五 三戶村數

五町數凡七 田圃凡五萬五千三百三十一町二段

九十五 町數一 二戶一十九

二畝四步其山嶽有八甲田嶽跨津輕北二赤倉嶽戶來嶽其

河渠有岩木川一名宏前川發源津輕郡泊嶽北流併岩木山

海長二十二里闊五十間舟楫馬淵川發源陸中九戶郡遠別

可通者十餘里馬淵川亦同東流至八戶湊村而入海長二十五里闊一町四十間能代

川一名米代川發源二戶郡田山村山中西羽前 東至磐城陸前南至岩代越後北至羽後西至海東西

二十二里南北三十五里山脉綿亘東南界岩代連越後最上

川之左右頗平曠肥磽相半田川郡獨有魚鹽之利風俗樸強

以蠶桑爲業郡數凡四村數一千二百三曰置賜村數二百九

村山村數四百三十最上村數八十田川村數四百二田圃凡

七萬九千三百四十五町一段二畝七步八釐四毫其山嶽有

吾妻山一名大日嶽跨置賜郡及岩代之耶麻郡由置賜五所

郡至東大嶺凡四里由關村至西大嶺凡四里

山十里月山自置縣郡黑山麓之手向村始其河渠有最上

川上流名松川發源置瀾郡大平村大日嶽北流至中田村容

凡羽黑川及洲島村受鬼面川經津久茂村等數村又合諸流

顯村分爲二派北名新川及長崎村再相合容離川北流至仁

田村合寒河江川等大石田村迤南容丹生川入最上郡西流

容小園川經新莊之南會銚川至酒田港而入海長凡六十二

里闊三十町二十間

羽後 東至陸前陸中南至羽前北至陸奧西至海東西凡二

十五里狹處一十九里南北凡四十九里山勢來自陸奧劃東

北二方鬱結中央產材極多能代川注北疆御物川貫南方男

鹿島突出西方而擁八郎瀉地味礪薄不宜果穀沿海頗有繁

盛之區風俗頑陋郡數凡八村數一千三百曰飽海村數二百

數由利村數二百四雄勝村數八十平鹿村數一百一仙北村

二村數七十河邊村數五十秋田村數二百八山本村數七十田

九町數二

團凡七萬一千六百一十二町六段四畝二十九步八釐其山

嶽有鳥海山屬飽海郡亘由利郡直立六千四百六十八尺在

鳥六御駒山阿彌陀嶽朝日嶽其河渠有御物川發源雄勝郡

里東安嶽東北流至橫堀村合役內川自逆卷村而北流及角間

村又合岩崎川仍北流至角間村容橫手川入仙北郡至花館

驛合玉川又西流北流至秋田郡土崎玉川古作副川發源陸

巷而入海長三十里餘闊二町四十間玉川中岩手郡界仙北

郡田澤村大深嶽南流合小和瀬川大仙立川生保內川西南

流至小館村容鰻瀨川至神宮寺驛會御物川長凡二十七里

十八町闊子吉川發源由利郡鳥海山下東北流合諸小流繞

凡一町餘能代川一名米代川發源陸奧二戸郡過陸

入海長凡十八里能代川中入秋田郡西北流至川口村合大

館川西流合阿仁川而入山本郡及荷上場村容藤琴川至能

代港而入海長二十五里闊一町四十間餘源流詳於陸中陸

奧大阿仁川發源仙北郡界秋田郡荒瀬村立又容小又川北

長三十里餘闊一町餘上流為大又川下流為大阿仁川云又

有小阿仁川出於同郡南澤村河邊郡界龍峯北流入大阿仁

川長二十里餘闊五十間稱為小鏡大

鏡岩石噴涌水流險惡舟人視為畏途